

吉石齋叢書三集

永樂大典卷之一萬四千六百二十八

六幕

部 吏部十五

吏部條法關陞門。文武臣通用。選人。承務郎以上。武臣。資序服色附

關陞撮要。文武臣通用。應文臣換授使臣陳乞關陞。若選人上考第

許將參考比折壹考。京官考第。許將兩考作壹考通理。使臣之後通及陸

考及格。許到部關陞。應奏補出身致仕恩澤。并吏職軍班。及諸色出身

人。陳乞關陞者。在法合要兩任實及柒年。叁任陸年者準上法。年叁拾以

上到部內。須歷肆考名色差遣。并監當差遣貳考。共及陸考。許關陞親民

若校尉上所歷考第。與使臣考第一同。副尉非。應奏補出身。致仕恩澤

并吏職軍班諸色出身。陳乞關陞。若兩任伍年。及魯任川廣共及肆年。各

再入監當。候及貳年。就移親民。應見任川廣差遣人。如考任名色及格。

候赴本路運司參司訖。許經本司保明申說。參司年月日分明。亦許關陞。

應稱經歷任謂貳年。成資以上。承務郎以上。應監當人。合要兩任

陸考。舉主肆人。關陞知縣資序。應監當人。元是武臣。因換授文資人。依

監當人合要兩任陸考。舉主肆人。內監司壹員。關陞知縣資序。應改官知縣人。合要兩任伍考。舉主貳人。關陞通判資序。應宗子應舉得出身。改官後實歷知縣壹任叁考。合關陞通判資序。應通判人。兩任肆考有舉主叁人。關陞知州資序。應理知州軍資序。如係職事官。曾任常調差遣。合自改官後肆年。關陞通判資序。捌考。關陞知州資序。若是外官。須自改官後實歷知縣壹任。後再要貳考。共成伍考。關陞通判。再歷兩任肆考。通前共理玖考。關陞知州。應監司州郡。在任不得陳乞通理。若不因罪犯罷者。許通計前任考任。應侍從舉陞陟。許當監司員數。應郎官任內。該關陞者。並通實歷年限。聽理合入資序。應關陞通判資序。若不歷知縣差遣。而曾任監司郡守者。許依實歷知縣關陞。應已曾關陞知州資序人。壹任貳考。陞第貳任知州資序。理入初任提刑。應已曾關陞初任提刑資序人。壹任貳考。陞第貳任提刑資序。理入諸路轉運副使。應已曾關陞諸路轉運副使人。貳考。陞第叁任提刑資序。理入諸路轉運使。應已曾關陞諸路轉運使。發運副使。陸考。陞第叁任轉運使。理入發運使。叁路轉運使。

原缺人

應迪功。卽有出身叁考。無出身肆考。有縣令舉主叁員。與關陞縣

令。循入從政郎。應迪功郎。有出身叁考。無出身肆考。有職官舉主叁員。謂從事郎與闕陞職官知縣入從事郎。應迪功郎。有出身肆考。無出身陸考。有職官舉主叁員。候參選與文林郎。應迪功郎。有出身兩任肆考。無出身兩任伍考。與令錄。候參選照條闕陞入從政郎。應攝官授正官。後叁任柒考。與令錄。候參選照條闕陞入從政郎。應流外人肆任拾考。與令錄。候參選照條闕陞入從事郎。應進納人。叁任柒考。曾省試者。兩任伍考。與令錄。候參選照條闕陞入從政郎。應修職郎。壹任叁考。不以有無出身。有職官舉主叁員。候參選與文林郎。應修職郎。係知令錄。資序壹任叁考。回。候參選照條闕陞入從政郎。應修職郎。有出身叁考。無出身肆考。有縣令舉主叁員。繳告闕陞入從政郎。應從政郎。壹任叁考。不以有無出身。有職官舉主叁員。候參選與文林郎。應迪功郎。因恩賞循從政郎以上之人。如後有闕陞舉主叁員。照指揮合理作奏。舉闕陞恩例。應諸州教授。應闕陞令錄。資序。照條就任闕陞。却不拘參選。應闕陞令錄。合參選。如不曾參選。若考第應闕陞外。或官司舉辟就移。照條並理為參選。就任闕陞。應入令錄。合參選。照指揮川廣許令。參司理為參選。應選人。因闕陞及收使恩賞。循至承直郎止。

武臣 應武舉出身人。武舉特奏名推恩人。同兩任成資。不須用名色差遣。止是用肆考。不拘歲甲許闕陞。如係見從軍武舉人。合於本司批成肆考。召本等保官貳員。經本司保明申所屬州軍保明申部。方許闕陞。應使臣所歷考任。及格赴部。陳乞闕陞。如新任係是直差授到正任。該差劄子。免到部許闕陞。應使臣宗室。合用陸考。內須歷釐務貳考。通不釐務肆考者。許年叁拾以上。到部聽闕陞。應從軍大小使臣。見任諸軍差遣。自給到吏部差帖印紙。日實及陸年。內須歷正將以上差遣肆考。共成陸考。召本等保貳員。經本司次第保明申所屬州軍保明申部。年叁拾以上。聽就任闕陞親民。依舊從軍使喚。如授到正將以上差劄。如止係審劄。不曾取旨該差人。許兩日折當一日。應使臣曾授外任差遣考任未及。後辟從軍人。許通理外任。轉成陸考。許經本司召保官貳員。委保甲所在州軍保明申部施行。仍舊從軍使喚。應使臣考任雖及應闕陞者。若保差替回人。依條與展宣任。更候回部與闕陞親民。應使臣曾涂名公罪非。及犯枉法監主自盜賊。不許闕陞。及任人不得入親民。應使臣陳乞闕陞。許將時零月日。轉用通成陸考與闕陞。皇太子宮主管左右春坊。依在內差遣與闕陞。應進納使臣。校尉同。監當滿柒年無遺闕。內須歷名。

色伍考。有監司或知通奏舉陞陟者。有參員。年登拾以上。許到部關陞親民。如侍從所舉者。謂當監司員數。應文武臣合該關陞。除前項聲說外。除依本法。文武臣通用。

尚書考功勅。諸州軍申發官員關陞文字。不依條保明者。對讀官吏杖壹百。分首從科罪。下本路轉運司勘斷。

尚書考功令。諸承受關陞文書。合會問者。並限叁日。諸關陞人文書

雖未足及小節不圓。但有照驗者。聽關陞。諸乞關陞者。別具家狀壹本。并印紙納考功。諸關陞若在京者。具家狀。仍將未經磨勘所投告勅宣劄

印紙等真本。應用文書。繳納考功。諸監當人滿陸年到部聽關陞。印年限已應格再任者。自依本法。其止少半年以下。再入監當候成資日。願就

移親民者亦聽。諸武臣試換文資者。聽以換授前兩任當壹任。諸武

臣鎖應及第。并因試換文資者。歷任資考。並許兩考當壹考。零考不使。內

試換承務郎以上官。關陞親民者。即依元條勘會功過舉主。諸省試下舉人。因進納授官。於元補文書內。不坐進納名目者。舉改官職官。縣令即依進納例。諸宗室關陞親民資序。許射添差監押。闕仍注年叁拾以

上非材武人。不注老疾人。老疾不相須。

尚書考功申明 紹興十四年十月二十八日。勅四川選人。京朝官大

小使臣關陞。係用任數年月。依條到部陳乞。如已經本路運司公參理當

參部。今本司聲說公參月日。仍繳連錄白歷任批書印紙。及出身以來應

合用文字。保明申部按法施行。如不曾赴運司公參。自合到部關陞。奉

聖旨依。 淳熙十年十月二十日。勅臣僚奏欲令吏部將二廣申到選

人。京朝官。大小使臣。用考任關陞。如已經本路運司公參。照四川已得指

揮一體施行。奉 聖旨依奏。 乾道元年四月十八日。勅文武官監當

人。依法合滿陸年到部關陞。近來陳乞稱已到堂。便理作到部放行關陞

顯屬弊倖。今後並遵依見行條法。須候親身到部方許關陞。如人吏或有

違犯。送所屬根究施行。 嘉泰元年五月二十八日。勅吏部狀照得京

官大使臣陳乞開陞磨勘。內有合用舉主。並須照截日終舉主。無責降事

故方許收使。欲將京官大使臣所得舉狀。照選人已得指揮。據憑放散。次

附告示。即與理作舉主收使施行。奉 聖旨依同日準都省批下吏部狀。

小使臣校尉陳乞開陞磨勘。內有合用舉主。亦合一體照三選已措置事

理施行。後批從所申事理施行。本所看詳前項。逐件指揮。為京官大小使

臣校尉收使舉主事。其選人指揮已修入侍郎左選考功申明。今聲說照用。

尚書侍郎右選考功通用申明。嘉定八年六月七日。勅吏部指定四川宗室關陞通用陸考。欲展壹任貳考。通理捌考不釐務。放行關陞。奉

聖旨依承務郎以上

尚書考功令。諸使臣試換承務郎以上官。應入親民者關陞並依承務

郎以上法。諸監當人考傳舉主。雖應格內須監司壹員聽關陞。即犯公罪杖以下加舉主壹員。私罪或公罪徒若虧課利壹分。課利並通比。若災

傷年分依放稅分數豁除。展壹任再犯。或舉主未足者更展壹任。次任亦如之。累展通及拾貳年。有舉主壹員聽入親民。其自使臣及承直郎以下

改授者。許以未改授年月舉主通計關陞。諸知縣考任舉主。雖應格。須壹任實。歷知縣差遣。職事官非舉主。須監司壹員。在京內壹員本轄無本

轄者。止用待制權六曹侍郎以上舉主。聽關陞。則法官不用舉主。即犯私

罪。徒情稍輕。加舉主壹員仍展壹任。私罪杖情稍輕。若公罪徒各加舉

主壹員。官觀徽廟。並不理當任數。諸知縣親民人兩任與關陞。內須實歷

知縣壹任。官觀徽廟非奏補承務郎以上。已關陞知縣。及宗室換授理親民

人準此。即雖歷知縣及貳考以上。非因罪犯而不滿。參年離任者。候通歷任及陸年滿替。方許闕陞。諸通判考任。舉主雖應格。須壹任實歷親民。或刑獄差遣。舉主須監司壹員。在京內壹員本轄。無不轄者。止用侍制。權六曹侍郎以上。舉主。餘係用監司準此。聽闕陞。刑法官不用舉主。犯私罪。徒情理稍輕。加舉主壹員。仍展壹任。私罪杖情理稍輕。若公罪。徒各加舉主壹員。其在京倉炭場。左藏東西庫監官同。并壹任特旨。或壹任偶成。兩任。舉主足者。不限實歷。亦與闕陞。官觀並不理當任數。諸承務郎以上。任在京倉界及炭場監官。任數舉主。應闕陞。而至界終。舉主有故者。聽收使。謂舉主事故。在應闕陞壹月之後者。諸侍從官舉陞陟。謂舉外州在任官。許當監司員數。諸蔭補承務郎以上。不因就試出官。候該闕陞親民者。更展壹員。監當如有舉主陸員與免展。諸武臣試換文資承務郎以上官。闕陞親民。聽以歷過武臣考第。兩考當壹考。零考不使。諸通判知縣以負犯不理任。而復本等差遣者。無贓罪及公私罪情重。通前後成兩任。元化贓。及被違官勒停者。叁任。通判有舉主肆員。知縣叁員。內監司各貳員。聽闕陞再犯準此。諸承務郎以上。以罪犯不理任。而因訴雲得除落罪名。合陞改資序者。許通計犯時任數。已成資者同。其遇恩。或特旨除

落罪名。依無過人例同。亦許通計犯時任數。謂須本任合滿年月罷任者。方許通理。諸魯除名。公罪非。或元犯枉法。及監主自盜贓罪者。永不得入親民。諸犯入已贓罪杖。考任舉主雖應格。不入知州。諸郎官任內。該關陞者。並通實歷年限聽理合入資序。諸寺監長貳。並聽就任關陞。理合入資序。諸應關陞資序人。如歷任並係無人薦舉去處。聽不用舉主。曾任州郡。後除即官。卿監。復為監司人。準此。諸關陞通判資序人。若不歷知縣差遣。而曾任監司郡守者。許依實歷知縣關陞。諸祕書省官。已成任者。聽別理為任。就任關陞資序者。準此。諸八路應關陞知州資序者。並赴部關陞。

尚書左選令 諸奉直大夫以上免關陞注知州

尚書考功格 關陞 監當人 右滿陸年有舉主肆人。入知縣 知縣人 右兩任有舉主貳人。入通判 通判人 右兩任有舉主叁人。入知

州。

尚書考功申明 政和二年六月一日 勅吏部狀勘會。自來使臣鎖應

及第。并因試換文資。雖通理任使。臣資考。若已關陞親民。或已歷數任親民。差遣。仍須換官後。再依承務郎以上法。要滿陸年。舉官肆人。內壹員監

司方許關陞親民如資考舉官等不應條法上合理作監當資序緣使臣所歷差遣與文資考任輕重不同今有宗室任使臣與監當壹任滿有舉官保明陞親民後理過壹兩任親民試充文資從來尚書左選據使臣日已經關陞換官後便隨歷過任數理為知縣資序更不經由考功依條改官請重別關陞考功依尚書左選據使臣任內歷過親民差遣理當知縣資序關陞通判緣熙寧元豐武臣試換關陞條內並不分別宗室免再勘會關陞之文況止因本部相承體例行遣終是有礙舊制今相度除已前用過使臣歷任理當親民關陞之人乞追改外今後並遵依熙寧條法施行更合取自朝庭指揮伏候指揮五月二十九日奉 聖旨依吏部所申

淳熙五年閏六月十三日

勅吏部狀照對即官依條就理關陞合入

資序多是先曾於知縣或通判資序上用考任舉主關陞於常格合用任數外有餘剩月日今若止自曾經關陞後別理前任不與收使則即官就理關陞專條遂為虛設乞今後即官許通理關陞以前年月就理關陞合入資序奉 聖旨令吏部依即官見行條法施行

選人

尚書考功令

諸地功郎有出身參考無出身肆考有縣令舉主參員與

縣令有職官舉主參員與職官知縣有出身肆考無出身陸考若前任令
錄知令錄有職官舉主參員非今任停替者候參選與文林郎諸丁憂
服闋并歷任曾經省併及朝廷特差職任并不因體量過犯移任對換在
任及壹考人通理考第及自礙親者非與理為任數入令錄諸知令錄
非因事降入人壹任回內參考入令錄人候及肆考拾考人及陸考無私
罪及公罪徒不因體量過犯離任者與令錄諸流外人叁任柒考有縣
令舉主陸員與就移縣令就移後通有使臣舉主參員與磨勘換本等使
臣三省祇應人出職叁任柒考有縣令舉主陸員與占射迪功郎壹次經
占射後通有使臣舉主肆員并從政郎叁任柒考常調迪功郎肆任拾考
有使臣舉主陸員有私罪者添職司壹員或餘官貳員受供積并和申有
剽利各計賊不滿匹者添職司貳員或餘官肆員並與磨勘奏舉移注依
流內法進納攝官準此諸有出身兩任肆考無出身兩任伍考攝官授
正官後叁任柒考流外肆任拾考與令錄若歷任有賊私罪及公罪徒并
曾停替者更候壹任回流外人及拾叁考不展無上文過犯即與令錄因
酬獎入令錄者自依酬獎法流外人有賊濫及三省祇應人出職者不得
入令錄其進納人叁任柒考曾省試下者兩任伍考與令錄有犯準上法

若歷任有舉主會問應使舉主開本選。

侍郎左選尚書考功通用令。諸判司簿尉有出身兩任肆考無出身兩任伍考攝官授正官後叁任柒考流外肆任拾考歷任無贓私罪及公罪徒或曾停替者與錄事參軍如着上文過犯即展壹任回。流外人及拾叁考者不展。以上非流外人曾有舉主肆員或合使貳員仍通注縣令。因酬獎入令錄者自依酬獎法。流外有贓濫及諸司驅使官散官三省祇應人出職者不得入錄事參軍。其進納人叁任柒考。壹省試下者兩任伍考與令錄差監當因酬獎與職官令錄者準此。有過犯準上法。諸奏舉職官人。用改官狀執職官同判司簿尉合入令錄者有出身陸考無出身柒考及前任令錄知令錄與文林郎餘與從事郎。諸迪功郎無出身人因應舉賜進士出身者許將無出身上歷過月日依有出身人法闡陞。侍郎左選令。諸選人在任闡陞移注判成訖限壹月出闕下本處罷任。

仍報後官赴上。諸闡陞兩使職官者與免試恩例。

淳祐令。諸迪功郎以上實歷及壹考聽舉闡陞已滿叁考赴第貳任方許薦舉改官。初任壹考以上不因罪犯罷者於後任揆成叁考亦聽舉。仍於奏狀內聲說前後任揆成叁考因依即初任不成考。雖後任成叁考者非

侍郎左選尚書考功通用申明。淳熙三年八月二十四日。初吏部措置欲將四川選人陞改。如會問得所用舉主若有事故違碍等因。依故散計程在程限之內。即與理作舉主收使。如在程限之外。即不許作舉主收使。照會行在至四川制置使司。會到進奏院稱常程合破。參拾日半到。今來合破行遣日限壹日。并承受舉主事故處關牒。參日。共參拾伍日。如在參拾伍日之內。聽收使。如在參拾伍日之外。不許收使。奉 聖旨依 淳熙十六年八月十九日。初吏部狀照對選人知令錄。非因事降入人。壹任回無過犯。與令錄。又條迪功郎有出身參考。有職官舉主參員。與職官知縣。若前任令錄。知令錄。有職官舉主參員。非今任傳替。候參選。與文林郎。又令選人並以參年為任。其間有選人在任成貳考之後。不因罪犯罷任之人。到部陳乞關陞。緣有尚書侍郎左右選考功通用令。成資不因罪犯替移。聽理為任。係為注授條法。本部輒引上條作壹任回。便許關陞。今聚議自今日改正外。欲將似此已關陞人。候將來改官日。於常格滿陞考之外。更展補宣考。奉 聖旨依 慶元三年十月二日。初臣僚奏欲將選人初官所得關陞職令狀。許薦贖到部日。即時理作放散收使。候考第足職令狀及格。方與關陞。奉 聖旨依。

侍郎左選申明。慶元四年六月十一日。勅吏部狀照得選人迪功郎歷任及壹考聽舉關陞縣令。或充從事郎。後來緣該慶典。覃恩循入從事郎以上之人。所得職令舉狀到部。遂行申請與作舉主收使注闕。從條免試。有其餘別用恩例。循從事郎以上者。吏部徇以非因慶典。覃恩循入不與理。作收使免試。今乞將元係從事郎出官。并其他酬賞循入從事郎以上之人。得薦舉職令狀到部。止許作免試注闕等用。即不許繳告關陞。奉 聖旨依。

尚書侍郎左右選考功通用申明。嘉定十七年八月十九日。勅臣僚奏請欲下吏部將選人在法該考舉關陞之人。今後任滿所得酬賞。並依格法指揮放行推賞循轉。不許引用乾道七年指揮作占射收使。其選人該遇寶賞循資之人。如在壹年限內考舉及格。合該關陞許召本等保官兩員。仍批書印紙於關陞官上循轉。本部證得選人奏舉關陞考第舉主及格。并常調關陞考第應格該關陞之人。所得任滿酬賞。依今來奏請。並與放行推賞循轉。十二月一日奉 聖旨依。

侍郎左選申明。寶慶三年九月十八日。尚書省劄子。臣僚奏應元係從事郎出身。及以恩賞循從事郎人。所得職令狀。並與依格作奏舉關陞收

使。其合繳告奏舉關陞者。並依舊法。奉聖旨依。看詳上件指揮。吏部勘會迪功郎若因恩賞循至從事郎。及出官便是從事郎。有縣令舉主參員考任及格。即合關陞從政郎。係是折資關陞。侍左將考第舉主合入從政郎人。理為奏舉令錄入闕。如合入從事郎人。即當奏舉職官。並在正格關陞人之次。今存留照用。

尚書考功申明。端平三年四月十一日。勅吏部指定選人因考第舉

主及格。合該陳乞換給磨勘改官。并合到部陳乞關陞循資之人。並照元降指揮。經本路運司公參理當到部。近却於別路計會保明申發文字。避免遺闕。縮繫下四路運司。如見得各官前任不係當改官屬郎。不得放令參司。選人陳乞舉主揆歷擿考。不曾關陞作應理知州資序收使。舉狀係謂選人所得改官關陞職令舉狀。四川合理到司月日。餘路合理到院日。為放散。其間有舉主責降。或與官觀降。指揮月日在舉狀到司到院之前。不該收使。契勘得舉狀已經關陞知州以上資序。或發奏之日。官序係奉直大夫以上。並合照應放行收使。緣其間有舉主於發奏之日。官序未至奉直大夫。又不曾經本部陳乞關陞知州資序。及發奏在被罷降指揮之後。本部却與照舉主於改官後係通揆歷擿考。作應理知州資序放行收

使舉狀於條有礙欲舉主知州資序照見到奏狀內職銜施行奉聖旨並依
侍郎左選申明。淳祐四年正月空日都省劄子吏部申淳祐三年九月
空日省劄修纂條例所看詳侍左具到壹項竊詳選人初任壹考以上聽
舉關陞通次任及叁考以上聽舉親民此謂發奏受舉之月日今乃妄以
舉狀到部月日理計委是違戾監司州軍歲有舉員如隔年未舉者許通
舉此謂前壹年未舉負數許於次年補發今乃妄以次年舉員攙先隔歲
發奏委是違戾下吏部遵守見行條法不許引用弊例本部契勘得六曹
長貳每歲舉本曹架閣改官壹員如歲終無架閣可舉換舉所隸官屬往
往不候歲終預先發奏若不與收使則有許換舉之文若與收使則礙歲
終舉官先後若不立為定制竊慮寔壞成規如有仍前不候歲終先發換
舉狀到部併不該收使劄付吏部照會施行。淳祐七年二月二十三日
尚書省劄子前江西提刑兼知贛州鄭逢辰申兵鈴司歲舉兵官員額外
添舉改官關陞狀各壹員以舉文臣之用力者其改官狀兩歲共舉壹員
係舉兵鈴司屬官及討捕有功人奉 聖旨並依。

侍郎左選考功通用申明。寶祐元年九月空日尚書省劄子司農少卿
兼左司趙崇徽狀照對委崇徽提督修纂條例據吏部侍郎左選具到條

例內壹項檢坐嘉定十年三月十七日都省批送下本部照得在法迪功
即以上實歷壹考聽舉闕陞已滿參考第貳任方許薦舉改官今諸路州
軍不照見行條法選人未及壹考乃發職令狀初任止及壹考於次任未
貳考又初任及貳考至次任未及壹考乃發改官狀如下半年舉狀却於
上半年發上半年舉狀却於先壹年歲裏發奏有礙條法洎不該收使却
謂發奏日雖未及合舉條限到部日已及條限如此陳乞四川尤甚非惟
破壞薦舉條法強有力者皆獲先取之孤寒後至者皆無望焉本部檢具
薦舉條法及慶元三年十月三日指揮應舉改官員數隔年舉到官者與
改行收附竊詳選人初任壹考以上聽舉闕陞通次任及參考以上聽舉
親民此謂發奏受舉之月今乃妄以舉狀到部月日理計監司州軍歲有
舉負如隔年未舉者許通舉此謂在前壹年未舉負數許於次年補發今
乃妄以次年舉負後先隔歲發奏委是違戾欲申遵守見行條法不許容
令引用弊例仍先次行下吏部照應遵守施行九月二十七日三省同奉
聖旨依

武臣

尚書侍郎右選考功通用令

諸使臣雖該闕陞親民若係差替回者更

候壹任回與關陞。諸使臣補武學上舍生出官者減壹任監當。
尚書考功令。諸使臣兩任監當實及陸年滿替年叁拾以上者與關陞
親民。若兩任伍年及曾任川廣共及肆年各再入監當候及貳年許就移
親民。諸使臣因奏補及諸色出身考任應關陞親民者內須兩任肆考
立定名色差遣。宗室上用壹任釐務貳考通不釐務肆考。聽通理關陞軍
班武藝出身人準此。見從軍人或曾任軍中差遣考任已及而離軍者不
拘此令。諸武舉出身人特奏名同。兩任成資替罷者許關陞親民。諸
大小使臣見任諸軍差遣自給到理任差帖印紙日實及陸年無朝廷付
身與貳日當壹日內須歷正將以上差遣肆考如因陞差改差或改移軍
分並聽通理月日許具歸家狀印紙召本色保官貳員委保無過犯經所
在州軍陳乞差官點對無差漏保明申尚書吏部聽與就任關陞親民依
舊從軍使喚。諸使臣曾除名公罪非及犯枉法監主自盜贓永不入親
民。即因勞績應賞者具元犯取裁。諸閭門宣贊舍人關陞並依武翼郎
至武功大夫法。諸進納人監當滿柒年無遺闕有監司知州通判通及
叁員同罪奏舉陞涉者與親民。諸任人不得陞入親民。
尚書侍郎右選考功通用申明。乾道八年十二月二十八日樞密院劄

子奏節文吏部申勘會諸軍冒名承代官資。並已改正。所有曾經關陞。及給差帖印紙。未敢便行通理接續批書。照得元降指揮內。即不該載。今措置欲乞執已給印紙批書。改正姓名。通理接續考第。其已關陞親民人。依舊理親民資序。奉聖旨依。又九年九月二十一日。樞密院奏節文。吏部申。并供到狀。勘會冒名承代付身。已鐫減補正官資。未經關陞。已給吏部理任差帖印紙。授鐫減付身日起理關陞。奉聖旨依。吏部勘會。并供到狀內事。理施行。

尚書考功申明。淳熙四年三月二十四日。勅吏部狀。據從義郎應材。乞將選人上。歷過考第。接理於武臣上。收使關陞。竊詳在法。武臣試換文資。承務郎以上。關陞親民者。聽以武臣考第。兩考當壹考。零考不使。本部聚議。欲將本人。昨任選人日所歷考第。比附上條。參考作壹考。零考不使。於使臣上。作考第。接理關陞親民。奉聖旨依。本所看詳前項指揮。雖止為應材所降。竊恐日後有似此之人。今編節存留申明。照用。淳熙六年二月十三日。勅吏部狀。臣僚奏武臣考任關陞。緣不曾立定名色。有司無以遵執。乞令吏部措置。今指定到合該關陞名色下項。

在內九項。監左藏。東南南庫。封樁庫。監行在建康鎮。江府。推貨。

務都茶場。監行在省倉上中下界。監行在豐儲倉。監行在贍軍激賞諸酒庫。監都錢庫。監行在草料場。監雜買務。監雜賣場。

在外五十二項。

制置司 沿海統制。

安撫司 水軍統轄。水軍統領。

轉運司 監酒庫。

鑄錢司 措置銅場。措置銀銅場。檢踏官。

總領所 監酒庫。監倉庫。監戶部大軍倉。措置糴買官。

諸路州軍 知縣。縣令。縣尉。正將。副將。準備將。軍

備將領。都巡檢使。都巡檢。巡檢。水陸巡檢。管界巡檢。

同巡檢。巡捉私茶。巡捉私鹽。兵馬都監。駐泊兵馬都

監。兵馬監押。駐泊兵馬監押。文州宕昌寨駐泊。知寨

左右江鎮寨兵馬賊盜公事。知城。知堡。知城堡。寨官。

知關堡。同知關堡。軍使。監倉場庫務稅監院鎮。監鹽井

排岸。支監官。主管權場官。文州南路鎮。主管宕昌寨

買馬。寨主。銀銅場監轄使臣。主管堡。主管關堡。同主

管堡

本部令指定使臣歷任實及陸年內須歷前項名色肆考方許關陞親民奉聖旨依吏部措置措定到事理施行本所看詳前項指揮內左藏南

庫續降指揮改作左藏封樁下庫今聲說照用淳熙六年七月六日

勅路分都監副都監職任在州都監之上合放行關陞其諸路總管鈐轄

州總管鈐轄提刑知州軍準此淳熙八年十二月十四日勅紹興府

橫官內外巡檢即係巡檢稱呼與放行關陞淳熙十年七月十九日

勅皇太子宮主管左右春坊依在內差遣關陞淳熙十一年十二月十

三日勅主管永康軍蠶崖關職任與知關堡事體一同理當名色放行

關陞淳熙十二年六月一日勅知關門事理當名色關陞淳熙十

三年四月二十六日勅軍器所提轄監造受給官與入關陞名色淳

熙十六年八月四日勅監兩浙西路安撫司回易庫與理作關陞差遣

紹熙二年九月一日勅關門舍人係是召試與依武舉出身放行關

陞慶元元年七月二十一日勅提舉興州仙人原一帶關隘比之知

關堡事體尤重理為名色關陞慶元三年十月十七日勅帶御器械

理作關陞名色。慶元五年正月十七日。勅閣門宣贊舍人日在殿陞
應奉事體繁重可將見供職人入額實及陸考依內外場務官例與理關
陞。慶元五年二月二十九日。勅江南東路安撫司親兵統領并幹辦
廣南西路網馬驛程與理作關陞差遣。嘉泰四年八月二十四日。勅
江南西路安撫司親兵統領理作名色關陞。淳熙九年十二月二十六
日。勅吏部狀勘會武臣關陞親民曾立戰功人依舊法即是不拘正將
以上差遣肆考。但歷軍中差遣陸考便許關陞緣指揮內不曾該說離軍
後理在軍考任。從軍後通理外任月日。今指定從軍人曾歷正將以上
差遣及曾立戰功未經關陞離軍後歷外任。添差不差務非揆及陸考方
許關陞。不曾歷正將以上差遣。又不曾立戰功離軍後須歷立定名色差
遣肆考方許通理在軍考任。貳考揆成陸考關陞止。歷過正將以上差遣
貳考離軍後再歷立定名色差遣。貳考方許通理在軍考任。揆成陸考關
陞已歷立定名色差遣。貳考從軍後再歷正將以上差遣。貳考及軍中差
遣貳考揆成陸考方許關陞奉。聖旨依吏部指定到事理施行。本所看
詳前項逐件指揮並為理作關陞名色差遣。今編節存留照用。
尚書侍郎右選通用申明。寶慶二年四月十七日。勅吏部勘當廣西

轉運司申賓州管界巡檢欲下本司不以有無拘礙許曾經任巡檢或主
兵官已關陞親民資序無過犯大使臣通差年未陸拾應邊功或材武無
贓罪人奉 聖旨依

尚書侍郎右選考功通用申明 寶慶三年五月十五日 勅自今右選
須關陞親民陸考方許辟邑試邑後歷兩任方許辟州武舉從軍人依舊
例作縣畢須歷計議等官然後該差

尚書侍郎左選通用申明 紹定六年四月十九日都省劄子知贛州姚
鏞申兼提舉南安軍南雄州汀州兵甲司公事欲於每歲元舉兵官員額
外許舉改官親民任使關陞狀各壹紙奉聖旨權依本所看詳前項指揮
續有淳祐七年二月二十三日指揮兩歲共舉改官壹員今聲說照用

尚書侍郎左右選考功通用申明 淳祐三年九月空日尚書省劄子編
修勅令所申吏部看詳考功郎官劉漢弼奏請閩門宣贊舍人入額陸考
與理關陞閩門關報添入宣贊舍人以下在外監當關陞猶用陸考則施
之閩職無不可者契勘委有以戴字即與一體施行竊詳慶元五年指
揮閩門宣贊舍人以下在殿陸應奉事體繁重為係特差昨來吏部有失
條具關陞所合遵照慶元五年已降指揮施行本所契勘上項指揮係是

閣門取降委有以下貳字吏部已指定稱合遵照施行本所今審訂欲從吏部已指定到事體施行右劉付吏部從所申事理施行

資序服色撮要 應稱職官者係承直郎至從事郎應稱令錄者係從政郎 應稱知令錄者係修職郎 應稱判司簿尉者係地功郎 應稱判

司者係軍巡判官司理司法司戶參軍 應稱簿尉者係主簿縣尉 應親王府翊善贊讀直講記室同如係第叁任知州理提點刑獄司資序第

伍任知州理轉運使資序 應正入資序 三路轉運使發運使合差第叁任轉運使資序人 三路

轉運副使發運副使諸路轉運使差合入第叁任提刑資序人 諸路轉運副使差合入 貳任提刑資序人 諸路提點刑獄差合入第貳任知

州資序人 諸路轉運判官諸路提舉差合入第貳任通判資序人 應知州軍監通判並借緋若通判資序簽判及兼兵知縣或朝廷選擇知縣

者準此 應知州已服緋及知節鎮者各借紫若曾任知州已借紫雖知軍監亦借紫 應部闕知縣除極邊次邊外餘並不許借緋 應品官服

紫緋皆佩魚品未至而賜服若借者於街內帶賜及借 應通仕登仕將仕郎若攝官及州職醫助教並服綠 應寄祿官肆品以上或日內侍同服

紫。寄祿官陸品以上服緋。玖品以上服綠。應醫愈轉醫痊醫効服緋紫者。並賜魚袋。應職事官堂除知縣許借服色。應闕陞資色服色。除前項聲說外。餘依本法。

資序

尚書侍郎左右選通用令。諸以奏舉若恩賞及考任應陞改資序。已注八路闕而因罪不應得者。報本路改差。公罪聽赴任。止理本資仍闕考功。

諸就注八路闕而應陞改資序者。差訖闕考功。其奏差者準此。

尚書侍郎右選考功通用令。諸使臣補武學上舍生出官者。減壹任監當。諸未到部人。非次差移而年限應闕陞者。雖未納印紙。及歷任狀聽為親民人。已注而資序未應入者。就任改正。

尚書侍郎右選通用令。諸使臣注授親民。差遣其資序未正。見帶權若闕陞應落權者。擬鈔以聞。諸親民闕。巡檢替回未經比較賊盜。而直注及監當人。闕陞已應格。而就注。並預擬親民資序。如合降等及未應闕陞者。就任改正。

尚書侍郎左選通用令。諸州學教授應陞改資序者。聽就任改正。尚書左選令。諸轉運判官以上。及提舉常平茶鹽官。闕到應改落權。及

權發遣者擬奏。

侍郎左選令。諸奏舉職官知縣縣令。非體量過犯未成資離任。及因違

法差出破考不成資者。理元奏舉資序。如考任合入令錄。願依常調者聽。

諸朝廷差任。及因舉辟差注若考任合入令錄者。與脩正本資序成資。

用恩例陳乞罷任者。準此。諸應循資而不願罷任及就任得改正資序

者。各理本資通理年月滿替。諸歷任誤有起折資序者。與改正仍具奏

聞。餘錯誤即注素籍。須照會者。給公據。諸稱職官者。謂承直郎至從事

郎。稱令錄者。謂從政郎。稱知令錄者。謂修職郎。稱判司簿尉者。謂迪功郎

稱判司者。謂軍巡判官。理司法司戶參軍。稱簿尉者。謂主簿縣尉。諸

考功關到選人。應陞改資任者。並日下注籍及版榜曉示。滿拾日方收。仍

委郎官常切點檢。

尚書考功令。諸奏舉職官知縣縣令。不因體量過犯離任。及緣違法差

出破考。雖未成資。並理元奏舉資序。即考第合入令錄。而願依常調者聽。

諸親王府翊善。贊讀直講記室。同係第叁任知州者。理提點刑獄司資序。

第伍任知州。理轉運使資序。諸宗子應舉得出身者。與陞壹等資序。謂

如初任人。陞入第貳任之內。已理親民者。準此。諸轉運判官以上。及提

舉常平茶鹽官。應落權。及權發遣者。檢舉關吏部擬奏。諸銜替應降資序者。事理稍重降壹等。重降貳等。若降等而無等可降。並別展年。諸文學注權入官者。在任參考外。理為正官資序。入路貳考外準此。諸酬獎或特恩備資者。謂非得替酬獎者。從事郎以上。及帶官別領職任。與執任循正資序。不願罷任者。與理本資。通理年月滿替。

尚書考功格。轉運判官以上。及提舉常平茶鹽官。正入資序。三路轉運使。發運使。右差合入第叁任。轉運使資序人。三路轉運副使。發運副使。諸路轉運使。右差合入第叁任。提刑資序人。諸路轉運副使。右差合入第貳任。提刑資序人。諸路提點刑獄。右差合入第貳任。知州資序人。諸路轉運判官。諸路提舉常平茶鹽官。右差合入第貳任。通判資序人。

尚書右選申明。政和七年十一月空日奉。御筆應見理路分鈐轄路分都監州鈐轄資序。並改正。今後如敢奏請陳乞。理為資序者。以違。御筆論。仍委御史臺覺察。彈奏。雖奉特旨。亦許樞密院執奏。不行。本所看詳。上件指揮。係約束止絕。奏請陳乞官司。委御史臺覺察。樞密院執奏。其指揮內違。御筆論。依。靖康元年五月十八日。勅。合作違制論。緣事干內。

外理令通知存留遵用施行。

尚書侍郎右選通用申明。乾道八年七月二十四日。都省批下吏部申。訓武郎張立狀。係歸正人。已蒙添差監吉州板木場。不釐務準考功告示。合關陞親民資序。乞添都監差遣。申省乞給降付身承後批張立監吉州板木場。元係具鈔。今來止因關陞隨資序。乞改差遣。却專降指揮承侍右。似此之人。見行具鈔陞改送吏部。今後應似此之人。一體具鈔施行。本所看詳上件指揮。內大使臣官稱改作訓武郎。今聲說照用。服色。

尚書左選令。諸知州軍監通判並借緋。若通判資任願就簽判及兼兵知縣。或朝廷選擇知縣者。準此。內知州已服緋。及知節鎮者。名借紫。即曾任知州已借紫者。雖知軍監亦借紫。諸醫愈轉醫痊。幼服緋紫者。隨告仍賜魚袋。

尚書考功令。諸命官陳乞磨勘服色年限。內曾內罪編羈管。勒停責授散官。追官或居住。若除名。後雖已改正過名。而無理元斷月日之文。其以前被罪年月並不許收使。承直郎以下。勤停非追官者。自依本法。諸叙服色者。致仕陞朝官同免任。自出官釐務日理。朝廷差委行事。及權攝月

日非即使臣換授文資者聽以使臣准事兩日理壹日三省人自書今史
日理以上若無干照者召陞朝官或員委保勘當訖關尚書禮部其未經
獲務及尋醫侍養隨行隨侍指教同丁憂自從吉日理免侍服或服未闕
特恩授官者許通理疾病假滿出落班簿責授散官追官若停殿月日並
除豁即犯贓濫者不用此令

淳祐令 諸品官服紫緋皆佩魚品未至而賜服若借者於街內帶賜及
借 諸通仕登仕將仕郎若攝官及州職醫助教並服綠 諸寄祿官肆
品武臣內侍同服紫寄祿官陸品以上服緋攻品服綠

尚書考功申明 紹興三十二年十月十七日 勅禮部狀勘會官員陳
乞依赦將本身合該改轉章服回授與父改轉祇授雖承指揮許依所乞
竊慮後赦再將已使過回授年月復行陳乞改轉本身服色委是重疊今
來合自降許依所乞指揮下日重別起理年限若後來過赦年及應得赦
文方許陳乞自身改轉服色奉 聖旨依

尚書左選申明 紹興三十年九月十五日 勅紹興府會稽知縣街內
帶兼主管攢官事務仍借服色 淳熙元年五月六日 勅權吏部尚書
李彥穎劄子勘會昨降指揮乾道五年待闕職事官已添差任滿之人可

與堂除外任差遣內有任滿已改官人令赴部注授近發下堂除知縣仍
理作堂除又指揮添差任滿初改官人更於部闕通注仍理作堂除本部
近據前項官乞依指揮理作堂除并借服色除曾差職事官依指揮理作
堂除所有乞借服色未嘗放行兼有昨來除授行在主管六部架閣例家
添差任滿改官到部注授知縣乞理作堂除借服色本部今相度欲將前
項官並與理作堂除并依自來堂除知縣體例許借服色施行奉 聖旨
依 嘉定十七年十一月七日尚書省劄子今後應差部闕知縣除極邊
次邊外餘並不許擬申借緋

尚書侍郎左右選通用申明 嘉定九年五月十九日 勅吏部中勸當
到白劄子陳銓曾引例破條之弊乞下吏部遵守條法數內一項應被旨
奉使屬官理為資任此為已出官者有未銓試人經營差遣後來銓中却
將未銓中以前月日理作釐務考第或捺理磨勘或陳乞服色委是冒濫
本部指定只合將銓中已注差遣之後被差月日照用通理奉 聖旨依
淳祐八年七月空日尚書省劄子勘會自來知縣借緋止是兩赤縣仁
和錢塘及紹興府會稽照嘉定十七年十一月指揮今後堂除部闕知縣
除極邊次邊外餘並不許擬申借緋七月七日奉 聖旨令吏部照應遵守

改官門考第改官 酬賞改官 致仕改官 改官通用 世改 備改

改官撮要 應承直郎至修職郎陸考迪功郎柒考有改官舉主伍員內
職司壹員與磨勘依格改合入官。歷拾貳考以上。減常員舉主壹員。歷拾
伍考以上。減職司舉主壹員。應選人歷兩任陸考舉主未及格。至第叁
任如在半年內舉主及格。須再滿壹年通及柒考半。方許磨勘改官。應
選人歷兩任止及伍考舉主却已及格。至第叁任及壹考考第足之後
再須滿壹年通及柒考。方許磨勘改官。應選人歷兩任伍考舉主未足
至第叁任成壹考舉主及格之後。再須滿壹年前後通及柒考。方許磨
勘改官。應選人歷柒考已有舉主肆員。到官後舉員及格。須通任半年
方可離任。半年以後足者。即與放行。通及柒考半。方許磨勘改官。應選
人在任考第。舉主應得條法指揮合該磨勘。如係沿邊。從本任監司州軍
保明申部與先次注籍。候正官交割。方許離任。其餘監司州軍亦須保明
申部。候部符行下方許不候替人離任。赴部班改。應選人任國子太學
正錄。武學諭。在職壹年以上。通歷任滿伍考改合入官。應選人任太學
武學博士。在職壹年以上。通歷任滿肆考改合入官。應選人任宗學博
士。依太學博士格法。在職壹年以上。通歷任滿肆考改合入官。應選人

任宗學論。依國子正隸格法。在職壹年以上。通歷任滿伍考改合入官。
應選人任太社籍田令。不以有無出身。到任及壹年通歷任滿肆考改合
入官。應選人任大理司直。照太社籍田令格法。不以有無出身。到任及
壹年通歷任滿肆考改合入官。應選人任大理評事。在任及貳年通歷
任滿伍考。有改官舉主叁員改合入官。應進士及第。第貳。第叁。入壹任
回與磨勘。改次等合入官。應選人軍功出身。歷任玖考。有改官舉主陸
員。與磨勘改合入官。應選人進納出身。歷任拾考。有改官舉主柒員。與
磨勘改合入官。應選人係奏舉職官。知縣縣令人。得替任內有改官舉
主兩員。與循壹資。次任知前任。有改官舉主兩員。與磨勘改合入官。謂奏
舉職官。知縣縣令。得替任內有改官舉主兩員。與循大。林。郎。次任如前任。
有改官舉主兩員。與磨勘改官。係減舉主壹員。若次任考舉不如前任。即
不應次任。如前任改官之法。其前任改官舉主兩員。人係已行收使循資
合別。同改官舉主伍員。方許磨勘改官。應選人乞致仕。如曾經關陞通
滿陸考。舉主勞績常調並用。歷任無贓罪者。與改轉通直郎。應修職。從
政從事郎。謂因恩賞循轉者。乞致仕。並照已歷考第。依格改合入官。進納
派外出身。止與循資。應迪功郎。乞致仕。照已歷考第。與依格改合入官。

進納陸考。流外肆考及已任上州判司。並與循資。餘守本官致仕。應考舉及格合該改官。歷任內有過犯。須經叙改方許班改。應選人改官除前項聲說外。餘依本法。

考第改官

侍郎左選令。諸磨勘人承直郎資序及儒林郎。係進士明經九經出身。改陞朝官。餘改合入官。諸迪功修職郎。因恩賞循從事郎。該改官者。如考任合入從政郎。並依從政郎法。茶定重定。諸受供饋及和市有利利計。賦各不滿匹磨勘者。改次等合入官。仍不越宣教郎。諸合磨勘人。丁憂服闋者。與陞半年名次。若已判成丁憂者。限叁日關會所屬。先次入甲引見。已榜甲而投狀者。入次甲。諸磨勘應改官者。關會出榜以肆人為壹甲。伍日。以次引見。未及肆人。即展至拾日。雖不及亦聽引見。酬獎人附甲。並前壹日引驗。取不得唐突狀。引見日。事應奏請。及功過別該陞黜者。並奏稟。

侍郎左選尚書考功通用令。諸承直郎至修職郎。陸考。迪功郎。茶考。有

改官舉主伍員。歷拾貳考以上。無職私罪人。與減壹員。內職司壹員。與磨勘。公罪兩犯杖。兩犯苔比壹犯杖。或壹犯徒以上。加壹考。私罪笞。仍加舉

主壹員杖以上加貳考仍添舉主貳員或職司壹員如起折及權官者依本資已上若曾經改正與免加展其所犯雖非前項公私未經改正者亦不許磨勘改官景定重定。諸合磨勘人任滿或成資罷任謂非因體量過犯者丁憂服闋并本任已滿朝旨抽赴闕者到部投狀應就任磨勘者依本法內曾因公事致私罪徒情理輕稍輕及犯私罪杖以下情重者錄歷任及過犯奏裁若私罪杖以下情理稍重或公罪杖以上若犯公罪徒會恩自首去官降從答并曾停替者錄歷任及過犯申都省餘依例磨勘引見其犯私罪徒或曾犯姦賊姦謂元犯至徒者及緣餘事到闕不許投狀。諸堂除選人任大理評事謂非曾試中刑法第貳等下以上人入者到寺供職滿貳年通歷任及伍考有改官舉主參員與改合入官景定重定。諸進納人陸考有職官或縣令舉主肆員與移注肆任拾考有改官舉主參員與磨勘。諸選人任太社藉田令在職壹年以上者不以有無出身通歷任滿肆考改合入官。諸州教授考任並通理應磨勘者候任滿赴部投狀。

尚書考功令。諸選人不許將歷過迪功郎壹色陸考理作應闕陞循資考功磨勘及不得用減年作實歷。諸選人應改官者不得陳乞就任磨

勘本條指定者非。諸改官考第舉主已足而因隨府罷任者與磨勘。

諸不因體量負犯罪任人考第舉主足應磨勘者依得替法。謂備資成武

考罷任在外指射人。諸歷任曾受供饋并和市有利利各計贓不滿匹

者如合磨勘更候兩任無私罪舉主通及拾員與磨勘。諸歷任曾失入

死罪。謂推勘官未決者兩談磨勘已決者參該磨勘其舉主逐次別理人

數申都省即以酬賞應改官者取裁。諸合磨勘人若已待次而丁憂者

到部限參日關會所屬。諸舉主應使者其見任官資責降事故過犯或

體量陳首並會所屬舉主謂改官及幕職官縣令餘條準此。

尚書左選令。諸承直郎以下任京局差遣就任改官者聽罷。詳職及有

專法別理資任者非。

尚書左選考功通用令。諸州教授該磨勘而別除授差遣者許磨勘訖

赴新任。

酬賞改官

侍郎左選令。諸酬賞應改官而歷任有過犯者其所犯申都省取旨改

官。即特旨與改本等或次等官者依特旨。諸水土惡弱酬獎該改官者

本路人即於引見劄子內貼出本貫州縣臨時取旨。廣南東西路人。互注

秩者亦同本路。諸以捕盜酬賞。應改承務郎無等可降。而合換降等使臣者。止降壹等。諸選人初官。獲盜應改官者。先次注籍。候任滿無過犯。依條施行。

侍郎左選尚書司勳通用令。諸選人獲盜。合改轉次等官。而無等可降者。謂改承務郎展貳年磨勘。諸獲賊改官者。隨奏舉改官人班次引見。訖。方許依格改轉。諸贛州龍南安遠縣令。叁年替無公私過犯。任內舉主未及貳員。許通用前任舉主改官。仍免職司。或止有前任舉主叁員。聽本路提點刑獄同守臣照改官狀式。後犯入已贓。甘當同罪。連銜保奏。亦與改官。

淳祐令。諸賞應轉壹官者。承直郎以下。因軍功改合入官。捕盜改次等合入官。非軍功捕盜者。迪功郎不滿伍考。從事郎修職郎不滿肆考。文林郎從政郎不滿叁考。並循兩資。諸賞應減磨勘叁年者。因軍功改次等合入官。

淳祐格。命官。親獲強盜。柒人。減磨勘叁年。壹拾人。轉壹官。親獲兇惡強盜。伍人。減磨勘叁年。柒人。轉壹官。致仕改官。

尚書侍郎左右選通用令。諸奏到乞致仕人。在部者聽經部投狀。若歷任半年以上。流外進納人。不以曾未歷任。會問磨勘奏聞。有過犯。即於任

下略注事由。如與致仕即關戶部。諸乞致仕歷任未及半年者。以本官致仕。諸以本官致仕者。更不給告。即見折資者擬本官。

侍郎左選令。諸曾關陞通滿陸考人。東土勞績常調並同。無贓罪致仕者。與改轉通直郎。

尚書考功令。諸奏到承直郎以下乞致仕人。會問磨勘關本選。有過犯。即於任下略注事由。如生前曾陳乞致仕。雖身亡者。準此。即曾失入死罪

者。自依本法。侍郎左選格。

致仕擬官。從事郎以上。右改合入官。進納備資。從政郎。修職郎。右改合入官。進納流外備資。迪功郎。右改合入官。進納陸考。流外肆

考。及已任上州判司。並備資。餘守本官致仕。改官通用。

侍郎左選令。諸歷任曾失入死罪。已決貳合或壹。人情重而應磨勘者。改次等合入官。仍於引見劄子內貼出。其因酬賞該改官者。取裁。諸應

改官。而見任與所理官資序不同者。依所理資序改官。諸得循資未收使而應改官者。以所值資序改官。乞致仕入準此。諸改官人應出請受文曆者。限次日關報太府寺。仍以千字文為號。

尚書考功令。諸八路選人有改官以上酬獎及舉主足該磨勘者。並赴部侍郎左選格。景定重定。改官。承直郎。右陸考有出身奉議郎。餘人

通直郎。不滿陸考。有出身通直郎。餘人宣教郎。儒林郎。右陸考有出身通直郎。不滿陸考。及餘人並宣教郎。文林郎。從事郎。謂奏舉職官

知縣者。從政郎。右陸考有出身。及餘人並宣教郎。不滿陸考有出身宣教郎。餘人宣義郎。不滿陸考有出身宣義郎。餘人承事郎。從事郎。謂

因恩賞循轉者。修職郎。右陸考有出身宣教郎。餘人宣義郎。不滿陸考有出身宣義郎。餘人承事郎。不滿陸考有出身承事郎。餘人承奉郎。不

迪功郎。右陸考有出身宣教郎。餘人宣義郎。不滿陸考有出身宣義郎。餘人承事郎。不滿陸考有出身承事郎。餘人承奉郎。不

奉郎。餘人承務郎。

侍郎左選尚書考功通用申明。乾道元年十二月十九日。初權吏部尚書魏杞劄子。契勘右從政郎前惠州司理參軍王綰乞磨勘改官。照得

本官初補付身。係因伯中奉大夫孝聞該遇。冬祀大禮。奏補登仕郎。當
來。縮元係孝聞之子。過房在叔孝先房下。承伯恩澤。作姪。奏補登仕郎。後
因伯病危。面令縮歸宗侍養。尋將元補付身。并歸宗公。據會到尚左。稱宗
子歸宗。或冒親。被蔭自陳者。聽改正。雖經陞改。仍依初補法。本部未敢放
行磨勘。後批送部。指定本部契勘。本官當時係本人所生。父過房。與弟孝
先。作子。緣所生父。將合得恩澤。蔭補本人。作姪承受。今來雖已歸宗。其已
承恩澤。即係元所生父。應奏補恩澤。補授。今指定合取自朝廷指揮。十二
月十九日奉。聖旨。令吏部放行磨勘。慶元六年三月二十三日。勅
吏部看詳。臣僚上言。第一項淮南兩路及京西路。無正提刑處。歲終不除
轉運使副。以均舉使副員數。理為職司。其他路自有提刑。如轉運。歲終不
除使副。並不理作職司。今欲從臣僚奏請。第二項選人改官。職司文字不
限員數。今欲從臣僚奏請。奉。聖旨。並依。慶元六年十月十四日。勅
吏部狀。欲將拾貳考以上。有舉主肆員之人。仍依舊來。已行不許減職。司
外。所有歷拾伍考以上。無贓私罪犯人。不拘職司員數。若有該收使舉主
肆員。從減舉主條法。放行改官。奉。聖旨。依吏部所申。嘉泰元年八月
二十九日。勅吏部狀。新州奏乞將新州選人簽判。推官。縣丞等。不問破

格折資。但考第及格有改官舉主伍紙常員入仕以來無公私過犯與磨勘送部勘當。照得新州簽判縣丞緣係京官寮闕京官無緣肯就。必是選人破格注授。本部契勘選人破格簽判縣丞司理欲從本州所乞止用伍紙常員改官奉 聖旨依吏部勘當。并本州元中事理施行。嘉泰四年九月二十五日。初吏部狀四川選人合該磨勘換給改官人。聞有孤寒者雖考第舉主及格已經制置司給到照劄實日在前緣無力遣人隔年方得到部。其有力者雖給到照劄實日在後則撓先到部在前攘奪歲額深慮未便。乞下四川制置司如遇四路漕司保明申到考第舉主及格已經先次放散之人。出給實日照劄付改官人收執。仰制置司將已給實日照劄月日每月壹次入月遞申尚書省。并吏部照會施行。奉 聖旨依吏部所申。開禧元年五月十二日。初侍從臺諫兩省官集議。臣僚奏薦舉之弊。臣等照得淳熙七年 孝宗皇帝因改官員數稍多故變而通之。減舉員數却令逐紙放散。立定每歲捌拾員為額行之累年所舉員數已足適中止緣近年額外復放班引是致員數滋多殊失當時立額之意。又緣考舉及格許令不候替人離任赴部磨勘。愈覺人數積壓。又臣僚昨來奏請歷拾貳考不用舉主及減舉主太多許令改官積此三事。所以每歲

班引之外溢額數多若堅守 孝宗皇帝立定捌拾員之額斷不許額外
放班執定歲額雖有特放指揮許吏部執奏不行如待班之人妄有陳乞
許臺諫給舍彈劾繳駁庶可杜絕倖求不致冗併其考第舉主及格之人
須要成資書滿然後許其解罷赴部即不許妄引親嫌陳乞離任如有偽
妄保明官司及保官並令吏部具申朝廷取 旨責罰及曾歷拾貳考無
過犯依舊法止減常員舉主壹員其諸路合減舉員處并初任已成叁考
赴第貳任方許受薦並依見行條法指揮外所有昨來一時申請留歷獄
官縣令監當餘官揆拾貳考改官及拘以考數受薦指揮更不施行一遵
孝宗皇帝淳熙七年二月集議指揮今來既無額外放班等事則委合
臣僚建請救弊之意臣等所議可行即乞下吏部自今降指揮日並依此
施行奉 聖旨依集議到事理施行本所看詳上件指揮內一項考舉及
格人須要成資書滿然後許其解罷合遵照嘉定八年淳祐三年分別改
官離任考第指揮今聲說照用

侍郎左選申明 乾道二年三月空日 勅吏部措置遇選人引 見日

令立班移近 軒陛逐一 宣名其間 聖意或有所疑之人即乞指名
宣諭吏部侍郎同到都堂審驗如不中選取 旨別作施行奉 聖旨

依。淳熙七年四月十一日。勅吏部狀承淳熙七年二月二十三日

勅歲引改官權以柒拾員為額即未審職事官及四川換給改官合係與

不係今來柒拾員額之數奉。聖旨通以捌拾員為額內引見改官并職

事官共陸拾伍員四川換給改官壹拾伍員。淳熙七年十二月十一日

勅吏部狀捕盜改官歲以捌員為額續承淳熙七年四月十一日。勅

通以捌拾員為額即不曾聲說捕盜改官人通在引見改官人數之內奉

聖旨每歲捕盜改官捌員如捕盜員數不足即以奏舉改官人補湊

淳熙十三年三月十九日。勅今後職事官改官許在捌拾員歲額之外

淳熙十五年十二月九日。勅吏部狀在法進士及第壹任回第貳第

叁人與磨勘係不用舉主改官即不在每歲改官捌拾員之數止隨班引

見今來歸正補授鄭次楮至承直即後歷伍考依條合改宣教即亦不用

舉主磨勘係與進士及第第貳第叁人壹任回改官事體一同不在每歲

捌拾員之數放行隨班引見緣本部日前失於申明今申取朝廷指揮奉

聖旨依吏部所申。淳熙十五年八月十二日。勅吏部狀四川安撫

制置司申四川選人磨勘陞依指揮合赴轉運司公參訖繳連一宗文

字申制置司本司見得考第舉主及格理到司先後月日資次磨勘放散

繳連申省部換給。近來有力之人，更不經本司放散，妄以押綱虛立因事到闕，直赴吏部改官，據占資次。又有雖從本司磨勘放散，而不問月日先後，內有力者或專人，或附遞攬，薦到部先理為數，無力人雖放散在先，所申文字到部稍緩，反使居後。有此不均，本部今後從本司所申事理。所有前兩府禮部國子監長貳，奏舉四川選人，自合赴部投下放散，仍即行下制置司照會，所有合該換給之人，因押綱到行在，雖依得紹興二十六年指揮許令赴部陳乞，亦要經制置司給割前來，本部以憑理在。制置司壹拾伍員換給改官之數奉 聖旨依 淳熙十六年二月十日 勅吏部狀指定內地選人。任四川差遣有該磨勘之人，欲令赴部投下磨勘，理為內地負數奉 聖旨依 嘉定八年四月二十五日 勅吏部措置下項一選人兩任陸考舉主考第及格，任滿得贊參部放行政官，如未差替人除沿邊州軍合候替人交割，其餘州郡照已得替或未有替人，保明申部候部符到日不候替人離任磨勘改官。一歷兩任陸考至第叁任，如在半年內舉主及格，須再滿壹年方許赴部磨勘改官。如在任壹年半或貳年舉主方足，照第叁任到官。舉主足日已足過滿壹年以上，除沿邊州候替人交割離任，其餘州縣並許保明申部候部符到日批書離任赴部磨勘。

改官一兩任止及伍考舉主未及格至赴第叁任再成壹考換成陸考而
舉主方及格之後再須過壹年一已歷兩任未及伍考舉主及格止欠壹考
至第叁任及壹考考第及之後再須滿壹年二項除沿邊州軍合候替人
交割離任其餘州縣許保明申部候部符到日批書離任赴部磨勘改官
今後如有避親并考第舉主及格不候替人離任須經本任州軍監司陳
乞結罪保明申部候符下方許放行批書離任若未得行下州郡等處便
與批書離任申奏取 旨到部官照擅離任條法施行不許參選奉 聖
旨依 嘉定十年十二月二日尚書省劄子今後曾任架閣差遣見在外
任考舉及格許令就任改官仍堂差知縣壹次 嘉定五年十月十三日
都省劄子大理卿李珪奏照對司直與太社籍田令均係朝廷擢用之人
況司直班序在太社籍田令之上而改官格法如此異同欲望特降指揮
今後大理司直照二令改官格法一體施行奉 聖旨依 嘉定十三年
七月二十七日 勅臣僚奏每歲班引酬賞掇員乞減貳員以處極邊縣
尉任內曾獲兇惡強盜殺人以上許其陳乞本部具已斷獄案仍述在任
勞効申聞沖憲覈實保奏取旨注籍比附酬賞班引西蜀保奏如之歲放
通不過兩員或保奏未到許令次年補足奉 聖旨依

侍郎左選尚書司勳通用申明。紹定六年十二月空日。都省批下吏部
申選人捕盜賞。今後如遇司勳關到改官。依式投狀隨班引。見畢證元
獲賞日資考。依格循改。不許用獲盜後別賞。循轉資序上。陳乞改秩。有壞
成法外。有勦除叛逆。收捕峒寇。及諸州隨軍。立到大功勞績。顯著。特與改
官之人。似與常格捕盜人不同。却合從本部具申朝廷。斟酌施行。後批送
吏部從所申事理施行。

侍郎左選申明。嘉熙三年十月二十一日。都省劄子。白劄子。竊照改官
人赴班引見。銓曹不易之法。近年任于外者。營求外改。淹滯在部。趨班人
乞自今後。除四川及沿邊不可闕官處。許具申外。餘郡不許妄有陳乞。如
或悖戾。舉者受者。並坐以違制之罪。又有壹項舉員。已足考第。尚欠先圖
辟。以選人為縣。至考第。已及申乞外。改理為。須入百里。民命為重。併合約
束。十月十九日奉。聖旨。令吏部。遍牒諸路。監司州軍。常切遵守。施行。右
劄付吏部。嘉熙三年十月空日。都省劄子。應考舉及格人。並須趨班。改
官。不許求辟。就任。理為班改員數。淳祐三年九月空日。尚書省劄子。吏
部看詳考功。郎官劉漢弼奏請。選人改官。若陸考外。舉立方足。更須成考。
至於朱考以上。許離任。近日臣僚申請。雖朱考以上。亦須更滿。壹考。選調。

改官不勝其難。宜遵舊制。未考以上文字足者。即許申部。離任赴班。吏部竊詳。未考人。纔得文字。圓備便可。飄然所以再限以壹年。固為大過。若便許離任。恐於職業有曠。欲限以文字。雖足。湏通任半年。方許離任。半年以後足者。即與放行。右劄付吏部。從所申。事理施行。淳祐四年三月空日。都省劄子。編修勅令所。申竊詳。選人舉主。伍員用職。司壹員。而後改官。若止許受職。司壹員。則恐諸司幹官。與京局差遣。自本部本司之外。不復可以受舉。亦為未便。欲自淳祐四年為始。應選人改官。舉主伍員。除合用職。司壹員外。更許將職。司壹員作常員。收使如過兩紙。不許投放。二月十六日奉 聖旨依

侍郎左選考功通用申明 淳祐四年三月空日。都省劄子。勸會選人外。改弊倖甚多。有虛作減免。舉員憑空伸縮考任。丁憂匿服。妄稱在任。免引者。諸如此類。不止一端。合作關防奉 聖旨。今後監司。郡守。陳乞部內外。改之人。如係極邊緊切。職任實不可闕。官處每歲限在七月終以前。申奏到闕。吏部取索出身以來一宗。真本文字。勘驗取會。或所奏中。官司繳中。皆聽如無詐冒違礙。本部即官當行人。次第保明。結朝典。決配狀。畏貳審實。限壹月中。尚書省具奏取 旨。如有違礙。及不圓備事件。即開說。因依申

省照會更不施行。內詐冒人仍議降展不許自陳。雖奉特旨許吏部執奏。侍郎左選申明。淳祐十年九月三日。勅吏部侍郎兼中書門下省檢正諸房公事提領豐儲倉所倪祖常狀竊謂今日欲革諸倉致弊之源。各倉設官曰監臨。斛面機察。監門隨所職掌。干繫俱重。繫欲人人而盡其責。當自久於其職。蓋緣倉官指諸倉合為通籍。借理一遇到任。惟事營求。惟務鑽刺。纔得舉員及格。隨即巧為去計。或圖改辟。靡待終更。其視倉儲真成傳舍。欲將省倉中下界。豐儲東西倉。端平倉。見任監官。斛面機察。監門官。不問考舉。已未及格。並候叁年滿替。內監官右選人照御前軍器所提轄官例。亦以叁年為任。所有草料場官。左右選人併令一體遵照。永為定制。九月三日奉聖旨依。寶祐四年正月空日。都省劄子。吏部申應軍功補文資。合須通歷。改考有舉。主陸員。然後改官。正月十六日奉聖旨依。

侍郎左選尚書考功通用申明。寶祐五年七月二十日奉聖旨令吏部自寶祐六年為始。應四川制司申到換給赴部注籍班改人。委是川貫實。今任四川差遣考舉及格方許理為川班。換給名次。雖係川貫。曾授四川舉員。今流寓東南。任內地差遣。揆足舉員。只令就東南班次。不許攙占。

川班員數

侍郎左選尚書司勳通用申明。寶祐六年正月九日。都省劄于檢正左右司狀。勘會臺官奏請捨法徇例等事。本司增修捨例守法條目。立為定式。開具下項。一文臣除酬賞及捕盜令甲所載合減削外。其餘非泛推賞。只合僭轉官資。不許減員。一捕盜官。或黃緣捏合。揆足人數。或為首人。未獲憲司。並當契勘的實。方與保明。申上推賞。一選人。伍削方。可改秩。不許虛指和權。妄稱版築。希覬濫賞。減免舉員。正月七日奉。聖旨。依。已得指揮。仰兩省諸房及密院部曹等處。自寶祐六年正月為始。各守成法。不許違戾。正月八日三省同奉。聖旨。令尚書省一併揭示。都門曉諭。仍下六曹。并諸宣制帥監司守臣。遵照恪守成法。毋得徇私捨法。用例。常切遵守一體施行。右劄付吏部。

侍郎左選申明。景定元年五月七日。都省批下吏部中。準批下廣東經略安撫司申。從事郎鄭永乞用常員兩紙。理作職司。照得磨勘改官。以職司為重。若以常員兩紙。比折職司。不特壞法。自此有勢援之人。多取常員。以為比折之地。豈不重為孤寒者之困。雖有已放行體例。亦是弊例。於法決不可行。承後批送吏部。符下廣東經略司照應。準此。

陞改。

尚書考功令。諸合磨勘改官陞資。有公案在刑部大理寺。不該取旨。候約到刑名。若全入徒流。已決已配者。檢法書斷官雖該赦降去官原免。並候斷訖施行。由推勘夫入者。勘官準此。除申都省陞有係公罪杖以下。不中以上後有特旨。即從特旨改正。諸奏舉判司簿尉入職官及縣令。若未經陞改。而因恩賞循令錄知令錄。願改作奏舉者聽。諸歷任有罪犯者。應磨勘開陞。並以見理遺闕依條陞改。諸睦宗院宗學教授依諸州教授陞改。諸選人陞改。自身及舉主有過犯。案狀未到者。下大理寺約法。該與不該取旨。已勘到案狀有斷定刑名。已上刑部者。會問本部合與不合。取旨。各依本法。

侍郎左選尚書考功通用令。諸承直郎以下任樞密院編修官。勅令所刪定官。祕書省正字。或博士正錄。並到任實歷壹年。方許通理。前任考第陞改。即未滿年就任改差壹等差遣。其歷過月日。換及壹年者。亦許通理。諸承直郎以下。任館職樞密院編修官。大理司直評事學官。勅令所刪定官。應陞改官資者。聽就任陞改。前任考第舉主。應改者準此。淳祐令。諸州學教授。因移授而補滿前任。應陞修職郎以上。或餘官應

關陞者。申尚書吏部。諸州教授考任並通理。應磨勘者。候任滿赴部投
狀。內廣南教授仍減舉主壹員。

南書考功申明。紹興十年六月二十日。勅四川選人於宣司磨勘陞
改合到部陳乞人。經本路轉運司公參理當到部。宣撫司繳奏文字赴部
按法施行。本所看詳前項指揮。宣撫司今係制置司。合聲說照用。

侍郎左選尚書考功通用申明。乾道六年七月二十五日。勅勘會選

人改官。除犯私罪徒。及曾犯姦贓。不許役狀外。其曾有公私過犯計其元

得管杖徒流罪名。各有展考添舉主條法。及有奏裁或申都省之文。及緣

在法有歷任罪犯。應磨勘關陞外。並以見理遺闕依條陞改。本部自來只

以見理遺闕。依條展考添舉主。若已經赦及依無過人例者。更不添展。及

具申都省。隆興二年後成例。申省契勘選人。銜差替既不理犯時。壹考及

已經赦宥。依無過人例。若後來到部磨勘。又與降等陞改。即是赦恩。遂成

虛文。今欲除選人犯罪。合加展考第舉主。自合依本條。以見理遺闕。加展

陞改外。內曾犯停替。若已經赦。依無過人例者。即與依條放行陞改。奉

聖旨。依舊法施行。又乾道七年六月二十三日。尚書省劄子。照得選人陞

改。若有前項罪犯。未經除落人。見理遺闕。自有立定舊法。奏裁申都省取

旨。比年以來止是照例具申都省或與降次等陞改。若有似此之人逐旋申取朝廷指揮。委是紊煩。欲自今後將選人陞改。自合照應六年七月已降指揮。更不具申。右割付吏部。依劄子內事理施行。乾道八年正月十四日。勅緣邊州軍選人關陞者。雖已移注。候交割始得離任。成資改秩者。錄白一宗文字。及舉主告示。真本繳連申部。如應格法則先注籍。理為放散。催後官赴上候交割離任。赴部伺候引見投告。

循改

侍郎左選令。諸進士及第。第貳第叁人。壹任回磨勘者。改次等合入官

第肆第伍人。與大林郎。諸承直郎以下。因恩賞得旨轉壹官。稱依條施

行者。與依條改官。或循資。回授轉官者非。稱比類者。比附比折。或依條比

類同。與循兩資。即已至承直郎。候改官了日。收使。諸恩賞應循資改官

者。以得旨日。若依法酬賞。以司勳審覆關到日。於合入資序考第上。循改。

獲盜及松茶鹽賞。以獲賞月日前。歷過資考。循轉。諸流外進納人。獲盜

應循從事郎以上。奏聞降等與使臣。諸獻納補官人。因軍功捕盜得改

官酬獎。如不願換使臣。與比類。循至承直郎。

尚書考功令。諸奏舉職官知縣縣令。得替無贓罪。及雖有公罪稍重。私

罪稍輕。任內有改官舉主貳負。已經改正者與循資。其不因體量過犯成資。雖任者準此。有上文罪犯。及尋替侍養人。即更補壹考循正。次任如前任者與磨勘。雖不任知縣縣令。但於條差奏舉職官知縣縣令入及依格注教官者並準此。景定重定。

侍郎左選尚書司勳通用格。國子太學博士正錄。在職壹年以上。國

子博士。宗官任太學武學博士。國子太學正錄同。右貳貳年磨勘。大

學博士。正錄就除準此。通歷任。滿叁考。右循壹資。滿肆考。右

改合入官。國子太學正錄通歷任。滿叁考。右循壹資。滿伍考。右

右改合入官。武學博士在職壹年以上。通歷任。滿叁考。右循壹資。

滿肆考。右改合入官。武學諭在職壹年以上。通歷任。滿叁考。

右循壹資。滿伍考。右改合入官。

侍郎左選尚書司勳考功通用申明。嘉定十一年六月三日。勅宗學

申宗學博士。宗學諭。歷過太武學考校月日。將宗學考校月日。通理及壹

年推賞。吏部勘當照得如係前任未滿。不因罪犯罷任。許於次年。到任半

年限內。陳乞通理成考。奉 聖旨依。嘉定十一年七月二十三日。

勅吏部勘當。宗學博士。如係選人除到。依國子博士格法。在職壹年。通歷

任滿參考。循壹資。滿肆考。改合入官。宗學諭以選人除到依國子正錄體
例格法。在職壹年。通歷任滿參考。循壹資。滿伍考。改合入官。奉 聖旨依

永樂大典卷之一萬四千六百二十八

天學外書卷四十四

三

永樂大典卷之一萬四千六百二十九

六暮

部

吏部十六

吏部條法磨勘門。文武臣通用。大臣。武臣。大使臣。小使臣。磨勘撮要。

文武臣通用。應命官陳乞磨勘。年限內曾經編竊管除名勒停。責授散官。追官。或居住。後雖改正。而無理元斷月日之文。其以前被罪年月。並不許收使。若依赦除落過名。理元斷月日者。其隔過月日。聽理磨勘。應文臣換授使臣。許將文臣理過年月。通理磨勘。應有所得減年。如文臣日魯經磨勘者。與磨勘。未經磨勘。候再經磨勘。方許收使。若因戰聞勞。効得減年。許收使。應得父祖親屬。恩例減年之臣。不得捺理磨勘。轉朝奉。郎。朝奉。中散。中奉大夫。武臣不得捺理磨勘。轉武翼郎。武翼大夫。應宗室換授外官。許將在官理過年月。十日比折作四日磨勘。應因請假出落班簿年月。並不理磨勘。應丁憂服闋。及病假滿百日。落籍未朝見。而就差者。自就差日起理磨勘。應起復月日。並理磨勘。應文武官以疾陳乞

永樂大典卷之一萬四千六百二十九

官觀嶽廟者。並自痊安日與磨勘。應押綱得減年賞。不許捺理磨勘。轉應蔭補官。雖得轉官賞。亦候轉過日收使。應文武官陳乞磨勘。該滿日。年未七十。而申發文字到部。已七十者。與磨勘。應文武官陳乞磨勘。該滿日。甫及七十者。許磨勘。京官。應奏補承務郎以上。初該磨勘。合理四年。內要釐務二年。有監司知州侍從。舉主一員。方許磨勘。無舉主。展二年。共理六年。許對用減年。應再該磨勘。並理四年。不用舉主。許對用減年。內承議郎。轉朝奉郎。朝請郎。轉朝奉大夫。除本任合得酬實。許對用外。不許貼用。非泛賞捺理磨勘。應朝請大夫以上。磨勘。並理柒年。內除中奉。轉中大夫。非兩制。不許貼用減年外。餘許貼用減年捺理。應從官。自侍制。權六曹侍郎以上。自通直郎。至太中大夫。理三年。太中大夫以上。進士八年。餘十年。並許貼用減年。應有出身人。承務郎。起轉承事郎。承事郎。起轉宣教郎。宣教郎。起轉奉議郎。奉議郎。並逐官。轉至朝請大夫。已轉至朝請大夫。訖。起轉朝議大夫。已轉至朝議大夫。訖。起轉中奉大夫。應無出身人。自承務郎。逐官。循轉至朝請大夫。若帶闕職。依有出身人。起轉朝議。及中奉大夫。若無出身。曾帶職人。除在京職事官。典理作寄職人。起轉若在外任。已落職。後却登朝者。即不合起轉朝議。中奉大夫。應中奉轉。

中大夫。非兩制不許貼用減年。中大夫。非兩制不許轉太中大夫。大使。應修武郎以上至武德大夫。初該磨勘人。依條自參部後理五年內。住程二年。按察官舉主壹員。方許磨勘。如無舉主。添展二年。合候七年內。住程二年與磨勘。若再該磨勘。自該滿日起理。合理五年。不用住程。亦許磨勘。應南班宗室磨勘。除未換授之前實歷。依申明指揮。不與收使。合自南班供職之後。及十年。方許磨勘。應修武郎以上至武德大夫。及南班宗室。再該磨勘。許對用減年。應從義郎以下。帶閣門舍人。閣門祇候。再該磨勘。合理四年。仍依大使。臣條。法關尚書右選。擬官具鈔。應從義郎。帶閣門祇候。閣門舍人。磨勘。轉至修武郎以上。共合理五年磨勘。應從軍修武郎以上。丁憂者。給式假。候經尚右。陳乞起復。從條。與理磨勘。應使臣陳乞磨勘。如有應舉。或宗室。鎖應人。所用住程。合與住程。赴試。月日磨勘。如不出州界人。不在除豁之限。應使臣尋醫侍養人。滿壹年。聽朝參。赴選。與丁憂人。除豁。再自放見。或參部及就。差日起理磨勘。應使臣係宰執。臺諫。子孫。女夫。因恩數得。旨。差。嶽廟者。如係呈試中人。即合與收使。住程磨勘。若未經試中。止照已得恩數。將該差。劄于就。差理年施行。其住程。却合將試中。後考第。理作住程施行。應奏。蔭致仕。軍功。武舉。

出身軍功歸朝歸正歸順歸明歸附親屬補官。三省人換授并樞密院隨
龍人並轉至武功大夫止。應宗室并戚里添差歸順歸正歸附歸明歸
朝人許用不釐務理作任程。內宗室許用嶽廟理作任程。應吏職及給
使減年。主管進奉藩邸捕投副尉並轉至訓武郎止。應修武郎該磨勘
功賞任賞雜賞等轉壹官。轉訓武郎。應訓武郎如該磨勘任賞功賞特
旨轉官。並轉武翼郎。應武德武功郎。不許收使回授父祖恩例轉大夫。
應武翼郎上。該磨勘任賞功賞特旨轉官。合以兩官作壹官超轉。候至
武德郎依下法。應武德郎上。該磨勘轉武翼大夫。應武德郎上。該任
賞功賞特旨轉官。止轉武功郎。不得超轉武翼大夫。應武德郎轉武功
郎之人。該磨勘超轉武義大夫。若不係武德郎轉武功郎之人。該磨勘止
轉武翼大夫。應已轉武翼大夫。後來該磨勘任賞功賞雜賞等轉官。並
以兩官作壹官。轉至武功大夫止。應已轉武功大夫。後來不理磨勘。及
不收使雜賞等轉行。止用武功大夫上所得戰功叁官轉橫行壹官。伍官
轉遙郡壹官。應已轉橫行遙郡。用橫行遙郡上所得戰功。兩官轉橫行
壹官。叁官轉遙郡壹官。若橫行未至中亮大夫。有官可轉。自合於橫行上
轉行。如落階官除正使並係特旨。小使臣。應進義校尉至從義郎。起

理年月 奏補致仕恩澤武舉正奏名遺表恩澤親屬宗子取應
宗室宗女夫補官陣歿恩澤捕獲偽會吏職出身內侍官罷省恩澤三省
樞密院換授并隨龍人軍功離軍到部人進納及雜色補官人后妃親屬
已上並自參部日起理數內未曾參部有朝廷直差付身之人合作執差
日起理軍功捕盜歸正歸朝歸明歸順歸附招軍及格已上如係不從軍
人到部合自參部日起理如係從軍人自給吏部理任差帖印紙或給到
朝廷付身理為執差日起理軍功捕盜出身曾任副尉及下班祇應曾
經參部注授沿邊聽候使喚或見從軍人任准備將以上差遣在任因恩
賞改轉校尉者合自綾紙下日起理本部錄無正條係比附
使臣承信郎改轉條法應進義校尉初該磨勘人合理年限住程奏
補致仕恩澤武舉特奏名推恩人親屬宗女夫補官陣歿恩澤捕獲偽會
吏職出身三省樞密院換授并隨龍人軍功離軍到部人及雜色補官人
已上出身人初該磨勘依條合理五年住程到任貳年軍功捕盜歸正
歸朝歸明歸順歸附招軍及格已上出身人初該磨勘依條合理五年住
程到任貳年進納出身人初該磨勘合理陸年住程到任叁年舉主貳
員本部錄無正條係比附使臣條法應進武校尉初該磨勘人即與

開具前項進義校尉起理年限一同。元係進義校尉因該磨勘轉進武
校尉。係再該即自該滿日起理。合理伍年不用位程。如有減年許對用收
使。過納同。應承信郎。合理年限位程。奏補致仕恩澤。武舉正奏名遺
表恩澤。吏職出身。宗女夫補官。后妃親屬。內侍官罷省恩澤。并雜色補官。
三省樞密院換授。并隨龍人。軍功離軍到部人。已上出身。初該磨勘。合理
叁年。位程貳年。以後並理伍年。軍功捕盜歸正。歸朝。歸順。歸明。歸附。招
軍及格。已上出身人。初該磨勘。合理叁年。位程貳年。以後並理伍年。進
納出身。初該磨勘。合理肆年。位程叁年。舉主貳員。以後並理伍年。應干
出身人。係承信郎。元因進武校尉上磨勘。改轉承信郎。並合再依初補使
臣法。自承信郎告下日起理。合理叁年。仍用位程。到任及貳年。進納人。合
理肆年。位程叁年。舉主貳員。進義校尉上轉進武校尉。後理再該磨勘
係應干出身。並理伍年。不用位程。謂校尉上實及伍年。後因恩賞。循轉承
信郎以上。從條非次。轉官不隔磨勘。如校尉不及伍年。即自承信郎告下
日起理。依初補使臣法。理叁年。位程貳年。進納係理肆年。位程叁年。舉主
貳員。進武校尉。初該磨勘。除進納出身人。合理陸年。位程叁年。舉主貳
員。其餘人。合理伍年。位程貳年。雖於校尉上理年已滿。位程未及。或位程

已及年限未滿。自不該磨勘。如因軍功捕盜。改轉承信郎。從條不隔校尉。以前年月許通理磨勘。應承郎郎至從義郎。初該磨勘。合理年限住程。

內住程謂有差違。到任。至任滿日成。或考。如前任不滿。許將次任到任後。

月日通理。及貳年與磨勘。奏補致仕恩澤。武舉正奏名。親屬宗子取應。

宗女夫補官。及雜色補官。陣歿恩澤。吏職出身。三省樞密院換授。并隨龍

人。軍功離任到部人。已上出身人。初該磨勘。依條合理肆年。住程貳年。以

後。並理伍年。軍功捕盜。歸正。歸明。歸順。歸附。招軍及格。已上出身人。初

該磨勘。依條合理肆年。住程貳年。以後並理伍年。閤門舍人。閤門祇候。

初該磨勘。合理肆年。住程貳年。以後並理肆年。進納出身人。初該磨勘。

合理伍年。住程叁年。舉主貳員。以後並理伍年。本部緣無正條。例條比附。

使臣條法。宗室嶽廟并添差不釐務差遣。并戚里之家。添差不釐務差

遣。並理作住程。應承郎郎至從義郎。再該磨勘。但干出身。並理伍年。不

用住程。或有減年。許行揆理。內有吏職補官。轉至訓武郎止。若係進納出

身。轉至從義郎止。應以恩賞。若非次轉官者。不隔磨勘。小使臣追官人

叙。官訖。陳乞磨勘者。依條展年外。其被罪以前年月日。並不許收使。止理

叙。復元官日。起理磨勘施行外。仍候住程到任壹年。若經改正。理還元斷

月日。其隔過月日許理磨勘。雖已改正。而不曾理還元斷月日。亦不許收使以前被罪該過月日。小使臣魯降官叙復訖。陳乞磨勘。即與除豁降官之後。至未叙復元官之前作罪籍年月。不與磨勘。若已改正理還月日。却與照條通理磨勘。小使臣之官遠限。并非時改移替罷。合依格添展兩季。如遇 禮赦即與免展。小使臣係宰執臺諫子孫。未得旨差。嶽廟者。如係呈試中人。即合與收使位程磨勘。若未經試中。不合理為位程。合將試中後考第理為位程。兵部八資十資格。內除守闕進勇副尉。攝進勇副尉。同進勇副尉。守闕進義副尉。上所得減年。不該比折收使外。止用進義副尉。上兵部磨勘。理伍年轉下班。祇應。若將進義副尉。上所得減年。於使臣校尉。理伍年磨勘。上收使。合壹日作壹日施行。兵部及都官四資格。內進義副尉。都官史職。兵部陣亡恩澤補充。進武副尉。都官史職。兵部陣亡恩澤補充。磨勘兵部。及都官。並理拾年。今將上件資級。上所得減年。於校尉使。理伍年磨勘。上收使。合兩日作壹日。下班祇應。係兵部理拾年磨勘。從指揮。有下班。祇應。上所得減年。若於使臣校尉。上收使。合兩日作壹日施行。史職同。應文武臣磨勘。除前項聲說外。餘依本法。文武臣通用。

尚書考功勅。諸磨勘於令有違者。杖壹伯。未奏者減叁等。其較考不當者。杖捌拾。不以失減。諸州軍中發官員磨勘文字。不依條保明者。對讀官吏杖壹伯。分首從科罪。下本路轉運司勘斷。

尚書考功令。諸磨勘人。文書雖未足。及小節不圓。但有照驗者。聽磨勘。諸應磨勘有所犯罪名。無情理輕重者。關刑部定奪。諸命官久不磨勘。承直印以下應磨勘改官。而不下文字。有臣僚奏舉者。具事因取裁。

諸命官陳乞磨勘服色年限。內曾因罪編羈管勒停。責授散官追官。或居住。若除名。後雖已改正過名。而無理元斷月日之文。其以前被罪年月

並不許收使。承直印以下勒停非追官者。自依本法。諸依赦除落過犯。理元斷月日者。其隔過月日聽理磨勘。諸四川申發命官磨勘文字。入

遞計程外。在路有留滯月日者給還。諸應磨勘而付身文字。內雖有去失。謂去大管却有初刺之類。或去失非應照用要切文字。若有初補及見

任官資付身可照驗無偽冒者。並放行。諸曾去失付身而乞磨勘。有未去失以前磨勘干照者。以干照內月日起理。無即以陳乞去失日起理。投

秋月日不明者。即以給去失干照日。諸承受磨勘文書。合會問者。限叁日。諸校定資任磨勘考課。並於吏部取家狀及公案。應合該陞改者。會

問擬定限次日關吏部。諸文臣換授使臣者。許將文臣理過年月通理磨勘。諸文臣換授使臣應有所得減年。如大臣日曾經磨勘者。與磨勘未經磨勘候再經磨勘。方許收使。若因戰關勞劾得減年者。許收使。諸應檢舉磨勘者。於合滿季限以前關吏部。先取公案拖照無違礙方行檢舉。諸磨勘年限。並理投告日為始。因入遞留滯者。計程到日為始。若不供實日者。理當月盡日。因月投告準此。諸承務郎以上。若使臣在京監當雖不滿貳年。應理為壹任者。其磨勘許依到任貳年法。諸應得父祖及親屬恩例減年。文臣不得捺理磨勘。轉朝奉郎。朝奉中散中奉大夫。武臣不得捺理。轉武翼郎。武翼大夫。諸宗室換授外官者。許將在官理過年月。拾日與比折作肆日磨勘。諸磨勘在京者。具家狀仍將未經磨勘所授告勅。宣劄印紙等真本。應用文書繳納考功。諸鎖應若隨侍侍養尊賢。持服。自持服日至服闋朝見日。因事未得與差遣者。若理斷不係過犯者。非不理磨勘。諸在京釐務官。因請假出外。除元得假限。并除程及壹季外。月日。不理磨勘。使臣替罪壹月不到部者。違滯月日準此。諸因請假出落班簿年月。並不理磨勘。諸丁憂服闋。及病假滿百日。落籍。不中舉落籍同。未朝見而就差者。自就差日起理磨勘。諸丁憂服闋在外

指射差遣者。侍養年滿。應在外指射同。狀到部日起理磨勘。就差者以授
付身日八路以赴轉運司公參及投狀日。諸磨勘。謂在外以該日除程
預先保明者。已申發文字。而丁憂致已放行者。若年限內有用。過丁憂月
日。許將服闋後合理月日補填訖。再行起理。諸起復月日。並理磨勘
諸以疾陳乞官觀嶽廟者。並自痊安日與理磨勘。諸陳乞致仕後。因臣
僚奏舉授官者。許通理致仕以前月日磨勘。諸命官妄冒奏授。謂秦孫
作男之類。已陳首改正者。雖已經陞改磨勘。其以前歷過年。月。並不許收
使。仍依初補法。諸被隔展磨勘。年月。應改正者。謂因官司誤斷。或特旨
斷遣。及雖元有公案在刑寺。若斷下不合書罪。或不係干連。并雖合坐罪。
而誤斷入重。謂如元展磨勘。叁年。因雪訴改正。止合展壹年。其餘貳年。給
運之類。以上並須理元斷月日者。或官司行遣迂枉。隔過年。月。應改正。並
理為實。歷許通理磨勘。即通理有利。及應減年磨勘。減年。減月。同。經使外
並聽存留收使。諸犯罪經斷。會恩去官。自首。合原。應理遺闕者。非。即犯
正入已。賊。雖不經斷。從所理展。展磨勘。凡拾陸等。第壹等肆年。每降壹等
遞減壹季。累犯者。並累展。其貳罪以上。俱發。及合併計。若壹罪。而累該展
者。各從壹重。貳罪。謂犯私罪。徒。賊罪。笞。雖斷私罪。徒。從賊罪。笞。展年。壹罪。

謂本犯及追官降官。各合展者。止從壹重之類。其衝替應降等。而無等可降者。並通展。即失入死罪已決。及未經任有犯正入已贓。該磨勘者。申取旨。諸陳乞磨勘。所屬保明該滿日。年未柒拾。而申發文字到部。已及柒拾者。與磨勘。諸應該磨勘者。會問刑部大理寺。有無過犯。係過滿者。更不載。日批會未該者。於該滿日。截會大理寺限當日回報。如無公案及體量事狀。即闕本選擬鈔。如有公案在寺候約法了日。會到所犯不礙磨勘者。準此。若有見追完情弊過犯者。仍候結斷。

尚書侍郎左右選考功通用令。諸在京職任。并管押綱運官。有本轄發遣公換。或印紙聽照。用差注磨勘事節。不圓方許會問。舊不用發遣者。非尚書左右選司。勲考功通用令。諸押綱得減年賞者。不許捺理磨勘轉應。蔭補官。雖得轉官賞。亦候轉過日收使。

尚書侍郎左右選通用令。諸宗室祖免以上親。磨勘轉官者。並報大宗正司。

尚書左右選通用令。諸伍品以上。應磨勘轉官者。具狀擬奏。

淳祐令。諸以恩賞。若非次轉官者。不隔磨勘。文臣因恩賞轉者。至中奉大夫止。若年柒拾以上。或因老疾。陳乞官觀。獄廟留臺。並不在磨勘之限。

即太中大夫以上不用此令。諸減年磨勘與文臣通用者。謂如有課額場務監官。及獲盜之類。準肆年為法。謂如應減壹年即伍年磨勘者。減壹年壹季之類。與使臣通用者。準伍年為法。謂如走馬承受公事。應減叁年而內侍官。拾年磨勘。即減陸年之類。校尉殿侍。若下班祇應副尉。與使臣通用者。準此。非通用者。各依本條。即朝請大夫以上。雖該通用之賞。不在準折之例。

尚書考功格。犯罪經斷等第。辰年磨勘。贓罪徒稍輕及輕。稍重加第拾伍等。重加第拾叁等。第壹等。肆年。贓罪杖重。第貳等。叁年。贓罪杖稍重。第叁等。叁年兩季。贓罪杖稍輕及輕。第肆等。叁年壹季。贓罪笞。第伍等。叁年。私罪流重。第陸等。貳年叁季。私罪流稍重。第柒等。貳年兩季。私罪流稍輕及輕。第捌等。貳年壹季。私罪徒重。私罪衝替應降等。而無等可降少貳等。例等。貳年壹季。私罪徒重。私罪衝替應降等。而無等可降少貳等。理監當人衝替重準此。第玖等。貳年。私罪徒稍重。第拾等。壹年叁季。私罪徒稍輕及輕。追官免勒停。私罪衝替應降等。而無等可降少壹等。公罪少貳等。理監當人衝替。私罪稍重。公罪重準此。第拾壹等。壹年兩季。私罪杖重。第拾貳等。壹年壹季。私罪杖稍重。

追官勒停。勒停。特勒停。責授散官。落職。降官。公罪衝替。應降等。而無等可降。少壹等。理監當人衝替稍重準此。第拾叁等。壹年。私罪杖稍輕及輕。私罪笞。第拾肆等。叁季。公罪流重稍重。待制以上但有責罰。非時改移替罷雖不經勘罰但有因依。使臣待旨與小處遠小處僻遠處及未得與差遣并罰短使比較賊盜降監當。第拾伍等。兩季。公罪流稍輕及輕。得旨上簿兩次。會恩免者。兩。次壹壹次。第拾陸等。壹季。

尚書侍郎左右選考功通用申明。紹興十八年九月九日。勅潼川府路提刑司。募官押綱拘留付身告勅文字。若赴行在整會差遣磨勘換給。即從本司錄白出身告勅文字。點對保明。委是真命。別無偽冒。繳申吏部。依條整會差遣磨勘換給施行。二十六年八月二十日。勅成都潼川府夔州利州廣東西路提刑司。今後募官押綱赴行在整會差遣磨勘等給之人。依紹興十八年九月九日指揮施行。仍令本司出給保明公據付押人。收執前來。候所押綱交納了足。給到朱鈔別無欠損。方聽吏部照會施行。尚書考功申明。紹興五年四月二十三日。勅命官罷任。並權聽從便。赴闕。仍放行請給與理為磨勘。隆興二年三月二十三日。勅今後以

減年磨勩轉官者。須將實歷過年數對用。謂如壹年實歷用壹年減年。嘉泰元年五月二十八日。勅吏部狀照得京官大使臣陳乞闡陞磨勩。內有合用舉主。並須照截日終舉主無責降事故。方許收使。欲將京官大使臣所得舉狀。照選人已得指揮。據憑放散收附告示。即與理作舉主收使施行。奉 聖旨依。同日準都省批下吏部狀。小使臣校尉陳乞闡陞磨勩。內有合用舉主。亦合一體照三選已措置事理施行。後批從所申事理施行。本所看詳前項逐件指揮。為京官大小使臣校尉收使舉主事。其選人指揮已修入侍郎左選考功申明。今聲說照用。嘉泰三年十二月十七日。勅考功郎官主閏禮劄子。竊見文武兩選以年勞磨勩。或叁年。或肆年。或伍年。其法不一。且以肆年者論之。謂如慶元六年正月一日受告。合至嘉泰三年十二月三十日考已足。從條磨勩。今則不然。必欲至四年後五月一日放行。壹日固所不較。其間有年至十二月三十日為陸拾玖歲。明日則柒拾歲矣。文臣有合轉朝奉郎。武臣有合轉武翼郎。以壹夕之隔。遂不獲。與致仕恩澤利害非細。欲乞凡理磨勩者。以正月一日至歲終為全年。他日準此。奉 聖旨依。

尚書左右選侍郎右選通用申明。嘉泰四年八月二十三日。勅吏部

尚書黃由等集議。應文武官除磨勘轉官外。應以恩賞轉官者。每年不許轉兩官。謂如今年八月二日已轉過兩官者。須候來年八月一日以後別。遇恩賞方許轉官。如更有合轉官恩賞。並作磨勘收使。謂如今年已轉兩官。不合更轉。却乃遷延日子於次年陳乞。亦作磨勘收使。凡三省六部等處。遇有恩賞。止許正名係籍者推賞。其不係本職。兩處互差兼權之人。並不在推賞之數。奉 聖旨依。

侍郎右選申明。嘉定五年八月二十一日。樞密院劄子。吏部措置小使。臣校尉有堂除辟差元係初官。未曾經任諸州軍。不得放令交割。輒敢賣緣請托。脫漏放行赴上。將來在任月日並不理為任程考任。請過請給計。賊追納。坐以違制之罪。其有雖曾經任。元不曾呈試中選。及軍頭司。御筆院。御尉。儀鸞司。修內司。翰林司。祇候庫。內軍器庫。御酒庫。萬壽觀等處。及諸司差遣。如係初出官。未曾經任。不曾呈試中人一體施行。奉 聖旨依。尚書左右選侍郎右選通用申明。嘉定六年八月三日。勅吏部狀白劄子。檢準嘉泰四年八月二十三日集議指揮。應文武官除磨勘轉官外。應以恩賞轉官者。每年不許轉兩官。注文委有未便。乞自正月一日至十二月終。除磨勘轉官外。許轉兩官。委是順便。勅令所照得嘉泰四年指揮。

係裁抑恩賞。委合人情。但當來不魯明言。自第壹官。或第貳官。理為壹年之限。獨以八月二日為始。至來年八月一日終。方許施行。即是凡遇轉官。必須逐年比算。緣無一定之論。今來白劄。于所陳委是事體歸一。亦不失當來裁損之意。所有元降指揮內。如更有合轉官恩賞。並合作磨勘收使之文。并注文。謂如今年已轉兩官。不合更轉。却乃遷延日子。於次年陳乞。亦作磨勘收使一節。合依舊遵守施行。奉 聖旨依。

尚書侍郎左右選考功通用申明。嘉定八年五月二十三日。尚書省劄子。吏部申明到堂。參部繳連真本在部。已審驗之人。不問已未有新任。差遣。並與放行磨勘。即無再令行下。寄居待闕州軍重別保明。乞劄下部照應。右劄付吏部。從申事理施行。嘉定九年五月十九日。勅吏部勘當。

白劄子。申陳銓曹引例破條之弊。乞下吏部四選遵守條法。不得偷習。再用前例。數內壹項。應被旨差奉使屬官。理為責任。此為已出官者。有未銓試人。經營差遣。後來銓中。却將未銓中以前月日。理作釐務考第。或換理磨勘。或陳乞服色。委是冒濫。本部指定。只合將銓中已注差遣之後。被差月日照用。通理。五月十九日奉 聖旨依。紹定二年七月七日。勅臣僚上言。自今起復士大夫。須出特旨。如係監司帥守。申辟起復之人。服制。

內歷過月日。並不許作實歷。收使選人受過舉狀。並不理為放散奉
聖旨依。

尚書左右選侍郎右選考功通用申明。端平二年十二月十四日。都省
批下吏部申。檢會端平元年三月四日。都省批下本部申。承紹定六年十
月十四日。勅。臣僚奏乞將文武官陳乞磨勘。更不以告下日為始。只以
日前實歷滿日為始。許接續日分理。為日後再起磨勘。仍於告上分明批
注。謂如元官實歷至某月日滿。即於次日理作新轉官日分供寫告內。奉
聖旨依。仍令吏部有詳申尚書省。本部緣有因罪未結絕。及降官未叙
復。并所約刑名合候。住程到任。及展季展年。并合要住程到任。及應用舉
主之人。又有拾年以上。自不到部。陳乞磨勘者。亦有校尉理年。已及於使
臣理年。又及凡此之類。今檢具看詳下項。一嘉定十六年十月九日。都
省劄子。吏部尚左措置。今後應四川承議郎。轉朝奉郎。并朝請郎。轉朝奉
大夫。給告付運司契勘。本州結罪保明。委是正身無身亡事故。方與給付。
或已亡沒。繳申毀抹。嘉定十六年八月九日。都省劄子。成都運司申。蜀中
命官身死。詐作存在。多是先乞歡廟。遷延月日。暗行磨勘。直至真郎副使
告命已到。該身後奏薦。方申改仕。乞今後四路文武官。陳乞歡祠奉議。并

修武訓武郎。今本州結罪保明正身不是身後偽冒。運司勘當方與放行。吏部措置。今後定要本州取會勘驗委保正身結罪保明。如從軍之人委主帥勘驗保明。申總領所保明委係正身。即非身亡事故之人。方與證應施行。看詳上件指揮。謂四川命官身亡詐作存在。先乞獄祠暗行磨勘。直至負郎副使該身後致仕之恩。所以申乞關防。今合照指揮行下。須管要結罪保明。委係正身。即非身亡事故之人。方可施行。如從軍之人。即係見在軍中差遣。已經軍將次第主帥保明。亦與照應磨勘。其告命照已得指揮給付施行。所有無差遣不顯存亡之人。州軍不曾結罪是致符下。若據本處再行結罪保明。正身非身亡事故之人。到部見得別無違礙。即與照應磨勘。所有歷過該滿之後月日。欲從今降指揮。接續日分起理磨勘。一諸應該磨勘者。會問刑部大理寺有無過犯。係過滿者。更不截日批會未該者。於該滿日截會大理寺。限當日回報。如無公案及體量事狀。即關本選擬鈔。如有公案在寺。候約法了日。會到所犯不做磨勘者。准此。若有見追究情弊過犯者。仍候結斷。看詳上條。謂如該磨勘者。會問刑寺有無過犯。注云。如有公案在寺。候結斷。照得未結斷以前月日。係因罪犯刑寺結斷未了。其磨勘從條合候結斷。約定刑名。方許施行。所是未結斷以前

月日。却有在該滿之後者。緣今降指揮以滿日為始。其該滿之後。至未斷以前月日。結斷不該刑名。合與理還。其該刑名者。即難以理用。一犯罪輕斷等第。展年磨勘格。看詳上件條格。且以展兩季論之。遇赦得免。謂如理伍年磨勘。添展兩季。則合理伍年陸箇月。或有在赦前得伍年參箇月者。不為陳乞。則遷延遇赦。即得赦免。却有在赦前得伍年陸箇月以上者。亦不陳乞。侍於赦後。併得赦免。似此等展免不分。從今降指揮以滿日為始。各與理至赦前為法。如得伍年參箇月者。則與赦免。赦後參箇月。係理伍年參箇月。其在赦前如有伍年陸箇月以上者。雖遷延遇赦。則是展過月日。即與理伍年陸箇月。一諸命官久不磨勘。承直郎以下。應磨勘改官。而不下大字同。有臣僚奏舉者。其事因取裁看詳上條。稱久不磨勘。元無立定年限。如後有許令磨勘之人。亦與照拾年以上磨勘條法。指揮一體施行。謂如文臣肆年。武臣伍年。計理磨勘壹官外。餘歷年月。如是無過犯人。候陳乞日中。取朝廷指揮。如歷拾伍年者。雖以累轉更與理轉壹官止。如是因事得罪。不肯自陳磨勘者。又臨時斟酌元犯取指揮施行。本部逐一看詳。乞批送。今狀下部。貴憑遵守。瑞平二年十二月十四日。送吏部。從看詳到事理施行。嘉熙三年九月空日。尚書省劄子。提督修纂條

例所申。據吏部申。本部照得官員壹年不許轉過兩官。其間有因任和糴押綱等賞。已轉兩官。又有特旨與轉壹官。或以上及因邊頭調遣守城督戰之類。得旨轉叁官以上之人。本部例與申審。今措置欲自今後官員如委因守城督戰備禦抗虜有實跡邊功。承指揮特轉叁官以上者。係是朝廷旌賞。不必申審。許從本部徑與申省。命詞給告。若止係泛言邊功。及經理破州軍似此等類。所得叁官以上。並從本部照指揮將兩官轉行。除官比折減年磨勤。出給公據。更不申審。其他和糴押綱。擲即浮費。應于非泛特旨酬賞。已轉兩官之人。除官並照指揮一體出給公據。看詳特轉叁官以上。皆是優異旌賞。明言特轉叁官。則不當以壹年不得過兩官為限。若是磨勤。及和糴押綱。應于非泛特旨酬賞。元非壹項特旨轉叁官者。壹年內如已轉及兩官。餘官並照指揮一體比換磨勤收使。更不須申審。奉聖旨依。淳祐三年二月空日。尚書省劄子。吏部申在法押綱得減年賞。不許捺理磨勤轉應蔭補官。雖得轉官賞。候轉過日收使。其勸諭糴米提督賑濟。興修水利。趁辦楮皮等。皆是近來新創。申取指揮。右劄付吏部。考功將應係近來新創。舊法所不該載酬賞。並照押綱賞條法。不得收使轉應蔭補。淳祐三年九月空日。尚書省劄子。編修勅令所申。吏部看詳。

考功郎官劉漢弼奏請。命官隨侍侍養。因事未得差遣者。不理磨勘。今後在任陳乞。隨侍侍養之人。須今本州知通從實契勘。在任不因規避。果是奉親。結罪保明申部。方免除路。止是賞緣離任之人。自合照應條令施行。本所照得逐部審定。已得允當。右劄付吏部。照見行條法施行。淳祐三年九月空日。尚書省劄子。編修勅令所申。吏部看詳考功郎官劉漢弼奏請。諸年柒拾以上。不在磨勘之限。古者柒拾致仕。未聞以陸拾玖。宜從本條年甫及柒拾者。許其磨勘。本部看詳本官所請。分別柒拾以上。不許磨勘。年及柒拾者。仍與放行。考之柒拾而致仕。恐謝事之年。難以及令磨勘。本所竊詳在法起理磨勘。該滿日。年未及柒拾。申發文字到部。日年及柒拾。尚與磨勘。則是理算年月。至該滿日。已及柒拾歲。則不許磨勘。分明。今奏請年甫及柒拾者。許其磨勘。尤見優老從厚之意。右劄付吏部。從所申事理施行。寶祐元年九月三日。都省批下吏部申。舊法父祖回授所得減年。及押網賞。又指揮勸糶賑濟。興修水利。趁辦楮皮。及應係近來新創法所不載者。並不得轉應蔭補官。今與斟酌。將防托江面賞勸。違虜哨收捕峒賞。理作正賞。後批送吏部。從所申事理施行。

文臣。

尚書考功令。諸前執政官該磨勘者。依待制以上法磨勘。諸應磨勘轉官者。待制權六曹侍郎以上。自通直郎至太中大夫。參年。太中大夫以上進士擢年。餘拾年。諸應磨勘轉官者。承務郎以上肆年。即轉奉直朝議。中散。中奉。中大夫者。參年。中奉。轉中大夫。非兩制不許。貼用減年。中大夫非兩制。不許轉太中大夫。諸朝議。奉直大夫。并特恩人。共以擢拾員為額。內撥伍員。專充堂後官。依次序撥轉。及留伍員。以待未報州軍。諸御史臺。牒到奉直大夫朝議。大夫闕。以見任朝請大夫。授告先後。待制權六曹侍郎以上。非。先取年勞。該滿應磨勘。遷補人。無即以乞用。減年。貼理年勞。該滿人。皆係用減年人。亦以年勞深者為上。以上逐色同。先以有出身。次無出身。人為資次。仍以名次合轉人。取索磨勘。諸應該磨勘者。監司并在京職事官。謂太中大夫以上。及待制以上。任知州。官觀同。依限檢舉。取索。若不願磨勘。候再該日。準此。諸磨勘。應理年者。有出身人。自出身日。陰備人。曾歷務者。許通理。以前月日。蔭補。初出官人。自到任日。幕職州縣官。奏改若使臣。換授者。自改換日。即未經磨勘。無出身者。仍須蔭務及貳年。未改換前。曾經任通理年數。有安撫。監司。知州。侍御史。或待制以上。舉主壹人。方得磨勘。無舉主者。展貳年。諸奏補承務郎以上。初磨

勘不許用曾任獄廟當釐務年月。諸見任宰相執政官臺諫子孫並差
官觀獄廟。見在任或未赴上。及珍試中年及人皆見。仍與為考任。諸蔭補
進納。因鎖試并賜出身者。並同有出身。理為磨勘。由蔭補已當幹辦職任。
即許通理以前年月。諸曾降官候復舊官。許通理磨勘。其追官若勒停
及責投散官者。止理復舊官後年月。諸承直郎以下。不因磨勘改官。及
使臣換授京朝官應磨勘者。如有過犯并衝替之類。於改授日展年未足
或考第舉主未應格。及雖應格而係取旨之人。並依本選條展。諸大理
寺左斷刑官任內因出入刑。名書罰卷次以上者。至磨勘日取旨。通蔭連
累者非。諸承務郎以上。應磨勘而曾經臣僚論列贓污公私不法事。法
寺約罪不定者。依所得特旨格法添展。謂停替放罷降官之類。見取勘體
量體究者。仍候結絕。諸合磨勘人。若已待次而丁憂者。到部限叁日關
會所屬。諸太史局直長。自轉補後來及拾年無過犯。於本部投下合要
文字磨勘。局丞自冬官正以後。理捌年壹轉。至春官大夫止。每壹犯公罪
展壹年。壹犯私罪展貳年。情理稍重加半年。重又加半年。壹犯贓罪展伍
年。情理稍重加壹年。重者又加壹年。再犯各累展。若未入仕經真決者。不
得轉入朝官。入仕後曾經真決者。不在轉補之限。其降官因責罰替罷之

類。並依京朝官條施行。諸太史局直長以上。合該磨勘者。關尚書左選具鈔上都省。諸進士及第。壹任回第貳第叁人與磨勘。第肆第伍人與文林郎。諸添外人叁任柒考。有縣令舉主陸員。與就移縣令。就移後通有使臣舉主叁員。與磨勘換本等使臣。三省祇應人。出職叁任柒考。有縣令舉主陸員。與占射迪功郎壹次。經占射後通有使臣舉主肆員。并從政郎叁任柒考。常調迪功郎肆任拾考。有使臣舉主陸員。有私罪者。添職司壹員。或除官貳員。受供贖。并和中有利利。本計職不滿匹者。添職司貳員。或除官肆員。並與磨勘。奏舉移注依流內法。進納攝官準此。諸朝請大夫以上。因恩賞轉官者。以肆年為法。各計所磨勘收使。侍郎左選令。諸添外人應磨勘者。比從政郎降壹等換授使臣。舉令人不降。諸吏職日所得減年磨勘。出官後乞於選人上收使者。並比折兩日作壹日收使。

尚書左選令。諸承直郎以下。應循資轉官而已改官者。循兩資減叁年磨勘。壹資減貳年磨勘。任承直郎得循資。及減貳年磨勘。如不願比類占射者。與換次等減壹年磨勘。若元得旨轉壹官。稱依條施行者。作轉官收使。稱比類者。比折。比附。或依條比類同。減叁年磨勘。若得減壹年磨勘。已

換作占射同。與陞壹年名次家便差遣。作武臣日所得轉官減年占射。若換授大資後收使者依承直郎法。

尚書左選考功通用令。諸三省有正官。都錄事用磨勘。并收使副獎轉官。每年通共不得轉過兩官。

淳祐令。諸見任朝請大夫。特制權六曹侍郎以上非。有減年公據願收使磨勘轉官者。並預申尚書吏部注籍。

尚書左選考功通用申明。紹興二十六年十一月二十三日。勅吏部看詳員外郎續臧所請。今後應奉直朝議大夫。遷轉事故。並限壹日注籍批鑿。委本部尚書郎官通簽書押。欲令尚左置籍批鑿簽押。所有朝請大夫。依條合轉行人。欲令考功聲說實歷。酬賞先後因依。每季首限叁日。勝示。仍下逐路轉運司照會。關所屬取索保明申部外。有見注籍朝請大夫員數。合候御史臺牒到有朝議奉直大夫員闕名次合轉行人。關具員闕因依。申取朝廷指揮。下部日方許依條取索磨勘。今考功於每季首限叁日。勝示。并下逐路轉運司照會。奉 聖旨依。

尚書考功申明。紹興十年八月六日。勅吏部申照得有朝請大夫員數。乞行注籍。據陳乞日年未未拾。其見籍定名次。該取索磨勘。今內有已

年未拾以上負數。竊慮合以當時注籍滿年年限名次作年未未拾拾人許依條磨勘。內有文字未到未圓之人。行下取索。除程限五日。申發赴部施行。奉 聖旨令吏部將注籍滿年年限名次許依條磨勘取會官司。如限內無故不報。令本部行下所屬將當行人吏從杖捌拾科斷。餘依所申。 淳熙四年十二月十八日。勅吏部勅令所狀。勘會依條朝議奉直大夫。共以捌拾員為額。內撥伍員專充堂後官撥轉。三省人依法轉至朝請大夫止。若已出官不得轉至中大夫。今欲將三省人已注籍朝請大夫。遇有御史臺牒到負闕。其名次合磨勘人。而未離省日年限該滿并得闕次。雖並在年未未拾之前。至出職離省日。年已及未拾者。不許磨勘。奉 聖旨依。 淳熙六年五月十六日。勅吏部狀朝散郎充集英殿修撰

知太平州李椿。乞將歷過權吏部侍郎月日以參日比折肆日磨勘。本部照得本官見依條合理肆年磨勘。先權吏部侍郎玖箇月貳拾貳日。當來合理叁年磨勘。今指定欲依本官所乞以權侍郎上卷日於見今官上比折作肆日。與本官依條磨勘。仍乞今後依此施行。奉 聖旨依吏部指定到事理施行。 嘉泰二年九月二十九日。都省批下吏部申。中奉大夫知泉州倪思申。作任吏部侍郎日於慶元元年十二月二十一日。準旨磨勘

轉中奉大夫。至慶元二年三月十三日。承指揮與郎。歷過兩箇月貳拾貳日。從條六曹侍郎。係叁年磨勘。合將吏部侍郎實歷過月日。每叁日理柒日。計比折得陸箇月零拾日。又起理庶官月日實歷陸年伍箇月貳拾日。兩項通計實歷柒年。從條合該磨勘轉中大夫。施行本部勘會本官。今乞將昨任吏部侍郎理叁年上歷過月日。於見今理柒年上叁日比折作柒日。收使合取自朝廷指揮。後批送吏部。從所申事理施行。本所看詳前項逐件指揮。係是年限不同。比折磨勘。今編節存留申明照用。

尚書侍郎左右選考功通用申明。開禧二年七月十四日。勅監察御

史毛憲奏。乞將極邊州縣官到任與減貳年磨勘。任滿更轉壹官。次邊州縣並權與推極邊之半例減叁年磨勘。內選人任滿願先循壹資。即將到任所得壹年磨勘。留改官後收使者聽。未願循資。亦許留改官後收使作實歷月日磨勘奉。聖旨依。嘉定五年十二月十五日。勅見任宰執臺諫女壻。已經銓試中選。未經注授差遣人。已有差遣。或見在任。或未赴上。願就官觀。嶽廟者聽。仍理為考任。合用舉狀。並照子孫例一體施行。

嘉定九年五月十九日。勅吏部勘當白劄子。申陳銓曹引例破條之弊。乞下吏部四選遵守條法。不得循習再用前例。今具下項。一選人用恩

澤改補京官。既依無官人蔭補。即係白身。凡向來歷過選人考第。不合收使。本部照得若通理考第。用以注授。或用以磨勘。委是有礙成法。應被旨差奉使屬官。理為資任。此為已出官者。有未銓試人。經營差遣。後來銓中。却將未銓中以前月日。理作釐務考第。或揆理磨勘。或陳乞服色。委是冒濫。本部指定。只合將銓中已注差遣之後。被差月日照用通理。五月十九日奉 聖旨依。

尚書左右選侍郎右選考功通用申明。端平二年十二月十四日。都省批下吏部申。檢會端平元年三月四日。都省批下本部申。承紹定六年十月十四日。勅。臣僚奏乞將文武官陳乞磨勘。更不以告下日為始。只以前實歷滿日為始。許接續日分理。為日後再起磨勘。仍於告上分明批注。謂如元官實歷至某月日滿。即於次日理作新轉官日分供寫告內奉 聖旨依。仍令吏部看詳申尚書省。本部緣有因罪未結絕。及降官未叙復。并所約刑名。合候住程到任。及展季展年。并分要住程到任。及應用舉主之人。又有拾年以上。自不到部。陳乞磨勘者。亦有校尉理年已及。於使臣理年又及。凡此之類。今檢具看詳下項。一諸磨勘應理年者。有出身人自出身日。蔭補人曾蔭條者。許通理以前月日。蔭補初出官人。自到任

日。幕職官。縣官。奏改若使臣。換授者。改換日。即未經磨勘。無出身者。仍須釐務及貳年。未改換前。曾歷任。通理年數。有安撫。監司。知州。侍御史。或待制。以上。舉主壹人。方得磨勘。無舉主者。展貳年。看詳上條。謂奏補京官。承務郎以上。初該磨勘。從條合理肆年。內要釐務貳考。陞陟舉主壹員。方許磨勘。合自初任釐務到任日。起理年限。其間却有初任釐務到任。未成考間。承指揮。改差別路。待闕。差遣。直候次任到任。通滿貳考。釐務及日。合該磨勘。其或已自過滿肆年之後。若徑於該滿在肆年上。起理以後年月。即是當來釐務。未及未該磨勘。分明。欲乞自釐務足日。理為該滿。起理以後年月。施行。實歷雖滿。釐務貳考。未足。合候考足。本部又照得上件條法。謂奏補京官。承務郎以上。初經磨勘。從條合理肆年。內要釐務貳考。陞陟舉主壹員。方許磨勘。其間或有年限。釐務並已及格。已該滿肆年。却緣少陞陟舉主壹員。未該磨勘。須候有舉主。真本告示到部日。合該磨勘。其舉主告示。却在該滿肆年之後。方始出給。繳連到部。亦有舉主告示。雖在該滿肆年之內。本官自不繳連到部。是致未該放行磨勘。其上件該滿肆年之後。舉主告示不圓。隔過月日。實歷釐務雖足。而舉主壹員未足。合候舉主告示足日。理轉其無舉主者。依條展貳年。通為陸年。方得磨勘。本部

看詳乞批送。今秋下部貴憑遵守。端平二年十二月十四日送吏部。從看詳到事理施行。嘉熙三年八月十四日。勅吏部尚書左選條具內查

項。在法承議郎轉朝奉郎。朝請郎轉朝奉大夫。朝議大夫轉中散中奉大夫。依條不許貼用父祖親屬減年恩例。近有承議郎陳乞磨勘收使父祖恩例減年。換轉朝奉郎。考功放行具鈔。出給告命。委是有礙條法。修纂條例所看詳諸得親屬減年恩例。不許換轉蔭補官。自有成法。今後不得冒有陳乞。所有考功已行體例。合刪去。奉 聖旨依看詳到事理施行。本所看詳上件指揮。雖是尚左條具。所有武臣。亦合一體。今聲說照用。

尚書左選考功通用申明。嘉熙三年八月十四日。勅修纂條例所看詳尚左具到查項。朝請大夫恩賞轉官以肆年為法。正以朝請大夫以下肆年轉宣官。以上則柒年轉宣官。故立此條。就其本色官。因恩賞轉官。如有特旨轉行者。不當限以肆年之法。如特旨內無轉行之文。即合照條比折減肆年磨勘。如係奉直大夫以上。所得恩賞特旨。雖無轉行之文。亦合轉行。奉 聖旨依。

尚書左右選考功通用申明。淳祐叁年六月空日。都省劄子。吏部四選官公共聚議。條具關防四蜀筆樂事。畫一數內文武官陳乞磨勘文字。文

臣承議郎轉朝奉郎。朝請郎轉朝奉大夫。武臣訓武轉武翼郎。武德郎。武功郎。轉武翼大夫。並係轉應。蔭補官事體至重。今欲除本州保明。並合再經四川運司重行覈實。結罪保明。仍各召知識四川本等保官壹員。委保批書以憑照見行條法指揮施行。四川文武官派寓內地州軍寄居。陳乞磨勘文字。及轉應蔭補官之人。既在內地。難以再令歸川。陳乞欲將似此之人。並令召蜀士知識本等保官壹員。委保批書印紙以憑照見行條法指揮施行。右割付吏部。從所申事理施行。

尚書左選考功通用申明。淳祐三年十一月空日。都省劄子。吏部勅令所申。吏部郎中周文亮劄子。謂紹定四年。慶壽敕文內壹項。選人循兩資。已係承直郎改官日。理作貳年磨勘。因趁班人。用敕恩循兩資。換減肆年磨勘。給據。拔援增多。看詳自後。合照趙都承詳議。申明換減叁年磨勘。右割付吏部。從所申事理施行。景定四年七月空日。尚書省劄子。編修勅令所照得。選人得賞。於改官後。收使換減磨勘。嘉定貳年拾年。嘉熙肆年。淳祐陸年。指揮節次申明不一。竊恐吏部互相引用。今參照指揮修類歸一。庶幾不致抵牾。開具下項。一承直郎以下所得有格法。及不係特旨酬賞得轉壹官。於京官後收使。並與換減貳年磨勘。兩官以上。依此比

類。如係特旨酬賞。照修纂條例所嘉熙四年正月看詳指揮轉壹官。換減肆年磨勘。比折施行。一儒林郎以下。所得有格法酬賞。減叁年磨勘。內將貳年收使循壹資外。餘壹年磨勘於京官後換陞名次。如係特旨賞。與換減壹年磨勘。一承直郎以下。所得轉壹官賞。因與改官相會。於內已將壹資循至承直郎。餘壹資依磨勘。令條注文換減壹年磨勘。若是得賞未收使間。因用別賞循承直郎改官。照條比類減叁年磨勘。如已係儒林郎。除用章恩慶典特旨賞。循至承直郎。合照令條正文。每壹資換減貳年磨勘。餘依本條注文換減壹年磨勘。一選人所得特旨循兩資賞。照嘉熙四年指揮與換減叁年磨勘。止循壹資與換減貳年磨勘。叁資換減肆年磨勘。肆資換減陸年磨勘。如已收使循資外有餘賞。照嘉熙四年指揮兩資換減叁年磨勘。壹資換減壹年半磨勘。若係有格法。及不係特旨酬賞。循兩資照條換減貳年磨勘。壹資換減壹年磨勘。一選人任淮襄四川湖北差遣。所得極邊次邊酬賞。並照開禧二年七月十四日指揮。許於改官後作實歷月日收使。一選人任學官大理寺官。所得職任賞。嘉定十年二月詳議指揮。以其職事官。即與外官不同。不合比折。並與照元降指揮。貳年得貳年。肆年得肆年。其兩任學官。兩任寺官。該兩次以上。許將

壹等零賞。照條併賞倒換。若不及貳年。不許收使。所有任京局庫務諸司
監當。所得任滿。或計日酬賞。雖有元降指揮。即是立定賞法。却非一時持
旨。自合照有格法賞。一體減半比折。貳年得壹年。如止得壹年。合照條換
陞名次。不及全年。不許收使。一選人所得綱賞轉壹官。與換減貳年磨
勘施行。一選人所得覃恩慶典。並合照元降指揮。許於改官後換減磨
勘收使施行。一選人所得奉使回程轉官。照嘉定十年詳議指揮。檢照
元指揮。白身人尚許候有名目。作壹官壹資收使。其有官人。難以比折。
與照元指揮放行。轉官收使。已上取到吏部尚左供。並係見行遵守。今
編節照用。七月十日三省同奉 聖旨依 淳祐十年七月空日。都省劄
子。諫院條具百司庶府破法用例。蠹國害民等事。畫一于後。一選人得
賞。倘轉之弊。近來選人得賞多不肯倘轉。且給據存留為改官陳乞之地。
倘兩資者。則必乞轉壹官。少亦乞作肆年實磨勘。倘壹資者。則亦乞作貳
年。並無一毫折閱。委是破法。所以申明。從政從事。支林郎為一色官。改官
並得宣教郎。如不肯倘轉。並照承直郎改官後減半收使。零月不許作減
年收使。今後有差資一色。得倘轉不願人。徑與比折。貳年作壹年給據。
一選人改官存留磨勘之弊。得賞有轉壹員。叁官莫不陳乞改官後倘轉。

或有減磨勘叁年改官。後乞作不減年磨勘收使。凡此之類。委是破法。况選人上有資可脩。所得磨勘合於本資。上脩轉官。資有資可脩。更存留磨勘。為改官後。不折閱。委是弊例。合行釐革。都司擬令吏部遵守施行。七月九日奉 聖旨依 實祐二年二月八日尚書省劄子。勘會浙東西提舉司。浙西安撫司。兩淮制置司。天賜場。今後鹽場官幹官。催赴登額。文發及數。方許保明推賞。歲終文發不及叁分。展半年磨勘。伍分展壹年磨勘。柒分以上。降壹官。每歲舉員不許舉他司屬官。下吏部照應照得浙東西提舉司。浙西安撫司鹽場。今改隸提領兩浙鹽事司。今聲說照用。

武臣

尚書考功令 諸使臣合入住程差遣。願出外待闕者。給假限內實有病。患。申所屬看驗。訖申吏部。仍給公據。與除路月日違者。所違月日並不理。磨勘。諸乞假出外待闕。未參選應磨勘者。依外任申奏。若改轉後有出假限月日。於後次磨勘內除路。諸初補使臣。因戰鬪勞効得減年者。與磨勘。若別因恩賞得者。並候再經磨勘許行收使。諸使臣該賞應減年磨勘。雖與文臣同得推賞。若所降指揮內無比折者。止依元得所減年月收使。課額場務鹽官。及獲盜之類。應賞者非 諸內侍所得殿閣。泛賞。轉

官。如委係勤勞與不隔磨勘壹次。若再遇泛賞。雖降到特旨。不隔磨勘。許執奏不行。諸使臣展磨勘年限。並以本條所指定之官為例。如指定肆年磨勘之官。該展年。即伍年磨勘。展拾伍月。拾年磨勘。展叁拾月。餘依此計之。諸使臣勒停。或追降官資叙理。已復舊官。合磨勘者。初補并已經磨勘人。各依元條年限。諸使臣公罪徒。公罪衝替。因事替移。或因老疾謬儒。差替。或私罪非衝替。臨時特旨。與小處遠小處差遣。或私罪杖斷。放合該磨勘。依條展年外。不候任程到任。並與磨勘。以上各條降等差遣者。仍候任程到任。罰短使條降等差遣。準此。其私罪徒。私罪衝替。降等差遣。并公私罪。追停叙用。並依條展年外。仍候任程到任壹年。諸使臣曾降官。候叙復舊官。許通理磨勘。其追官。若勒停特勒停。止理叙復舊官。後年月。以上仍依條展年。如別因酬獎。或恩澤。特轉至舊官。及轉過舊官者。叙復未盡。不在磨勘之限。諸使臣杖尉同。拾年以上。不到部陳乞磨勘。許經所在州投狀。召陞朝官貳員。委保。正身無承代。詐冒違礙。知通追請。同保官審實。批書印紙。從本州結罪。保明連保狀申部。諸使臣杖尉同。初補未參選。在外就差者。以授差遣。降付身日理。為參部。應呈試人。非諸使臣杖尉同。應呈試。而未經試中。一時特差內外差遣。雖降到特旨。

理為資任許執奏不行。諸使臣校尉同初磨勘不許用曾任嶽廟當位
程月日。宗室非。諸內外諸軍歲終比較所養戰馬倒斃該展磨勘人雖

遇大禮赦不在免展之限。取押綱馬使臣幹辦綱馬驛程官倒斃該展磨
勘人準此。諸党惡徒黨因招降補授使臣校尉初補下班祇應副尉改

轉同內不許磨勘者如經拾年別無贓罪及私罪情重所屬保明取旨特
與磨勘即顯著勞効合該轉官者依常法。諸翰林醫候至醫効並理亦

年磨勘

尚書侍郎右選考功通用令。諸吏職日所得減年磨勘於使臣校尉上

收使者並比折兩日作壹日收使。

尚書侍郎右選通用令。諸使臣不許用減監當任數比換減年。諸漢

子箭手所得轉資若於使臣上收使每壹資比折減貳年磨勘。

尚書考功申明。淳熙元年四月十五日。勅吏部狀勘會內外諸軍大

小使臣乞貼用冒名承代後來親身立功所得減年收使磨勘竊詳冒名

承代後來親身立功所得轉官資公據已承指揮許於已錮減名目上並

行收使。今來既親身所得功賞減年與所得轉官資事體一同本部欲將

親身所得減年依轉官資已得指揮依元給減年。理年收使磨勘奉。聖

旨依。淳熙元年六月二十四日樞密院劄子勸會內外諸軍冒名承代官兵已降指揮並行鵠減改正了當奉。聖旨令所屬並特與通理未改正以前歷過在職年月放行磨勘。淳熙三年二月二十五日。初考功郎官王信劄子編類大小使臣年甲條目奉聖旨依令考功常切遵守今具合遵守事件如後。一乞差校定案書令史壹名專一掌管行移回報仍差頭名主事專一書勘。遇遞補及出職日交割以次人以次人保明委無差改遺失情弊方許遞補解發如有情弊斷勒一乞遇朝廷取索照使即令掌管人吏齋簿呈郎官封押訖親齋赴房候照應畢從朝廷用屬司印封押責還掌管人吏。回部呈郎官拆封收管其餘取索照使仰掌管人吏齋呈郎官當面抄寫名姓年甲全文用印回報不得齋簿出外庶免散失。一姓名未用考功印為止。印後即無姓名每卷末空處書云印後並無姓名。主令某人姓名其卷末無空紙即於夾界行上書寫其間有年適滿拾數者並於拾字下書歲字以防日後添填奉。聖旨並依。淳熙三年四月十二日。初考功郎官王信狀契勘近承指揮編類隆興二年二月以前大小使臣年甲除已編類成冊申尚書省用印外所有隆興二年二月以後初補并未經磨勘者依此置簿籍定錄大小使臣磨勘係隨官品各

案分行欲就令大小使臣案遇有投下磨勘先次照應如係隆興二年二月以後初補并未經磨勘之人逐時籍定官位姓名鄉貫年甲三代補授年月出身每名勘同當行主令押官用印編類候至每歲終分類置簿籍定仍具已置簿籍定姓名申朝廷照會奉 聖旨依 淳熙四年六月二十日 勅邕州溪洞招馬官恐妨馬政特與免參部放行磨勘 淳熙十三年八月二十一日 樞密院奏吏部申欲將使臣校尉所得 慶典理當參年磨勘除任程應格外並與對半收使其他恩賞不得援例奉 聖旨依 淳熙十六年八月十四日 勅吏部申乞將校尉使臣拾年以上不到部陳乞磨勘許召陞朝官貳員委保存亡及無承代詐冒不實違礙如臨安府申發許本部追請陳乞磨勘人同保官赴部審實施行奉 聖旨依本所看詳上件指揮係為於臨安府陳乞許本部追請乞磨勘人同保官赴部審實今聲說照用 嘉泰元年十月二十九日 勅南班宗室不許將外官月日湊合換官之後南班月日通理磨勘今後在南班及拾年方與轉官本所看詳上件指揮係是申明法意難以修為成法今編節存留申明照用

尚書侍郎右選考功通用申明 嘉定元年二月二十三日 樞密院劄子

殿司申內外諸軍兵將官因斃馬該展磨勘乃是公罪降罰過非次款恩
並乞免展奉 聖旨依如遇非次款許行引用 瑞平二年十二月十四
日都省批下吏部申檢會瑞平元年三月四日都省批下本部申承紹定
六年十月十四日勅臣僚奏乞將文武官陳乞磨勘者更不以告下日為
始只以日前實歷滿日為始許接續日分理為日後再起磨勘仍於告上
分明批注謂如元官實歷至某月日滿即於次日理作新轉官日分供寫
告內奉聖旨依仍令吏部看詳申尚書省本部緣有因罪未結絕及降官
未叙復并所約刑名合候位程到任及展李展年并合要位程到任及應
用舉主之人又有拾年以上自不到部陳乞磨勘者亦有校尉理年已及
於使臣理年又及凡此之類今檢具看詳下項 一諸使臣曾降官候叙
復舊官許通理磨勘其追官若勒停特勒停止理叙復舊官後年月以上
仍依條展年如別因酬獎或恩賞特轉至舊官及轉過舊官者叙復未盡
不在磨勘之限看詳上條稱使臣曾降官候叙復舊官許通理磨勘叙復
未盡不在磨勘之限其條雖許通理磨勘如該滿日未曾叙復自不許磨
勘所有該滿之後未叙復以前月日既不在磨勘之限緣今降指揮以該
滿日為始却有該滿之後至未叙復以前月日未叙復以前係在罪籍難

以理用 一諸使臣公罪徒公罪衝替因事替移或因老疾謬儒差替或
私罪非衝替臨時特旨與小處遠小處差遣或私罪杖斷放合該磨勘依
條展年外仍候任期到任並與磨勘以上各條降等差遣者仍候任期到
任罰短使條降等差遣準此其私罪徒私罪衝替降等差遣并公私罪追
停叙用並依條展年外仍候任期到任壹年看詳上條謂約出逐件刑名
止應注降等差遣之人合候任期到任或任期到任壹年方許磨勘如未
有任期到任或任期到任未及壹年各不許磨勘如自該滿之後至任期
到任及任期到任壹年以前月日今降指揮以該滿日為始却有該滿之
後至未任期到任及任期到任未及壹年以前月日於任期展年該款其
有任期已及之後雖遇赦恩其歷過月日不許通理 一諸使臣核尉同
拾年以上不到部陳乞磨勘許經所在州投狀召陞朝官貳員委保正身
無承代詐冒違礙知通追請同保官審實批書印紙從本州結罪保明連
保狀申部 淳熙十六年八月十四日 勅吏部申如臨安府申發許本部
追請陳乞磨勘人同保官赴部審實施行看詳上件條法指揮謂使臣校
尉拾年以上不到部陳乞磨勘許經所在投狀召陞朝保官貳員委保正
身存亡無承代詐冒違礙知通追請同保官審實批書印紙從本州結

罪保明連保狀申部如臨安府申發許本部追請審實方許磨勘今來却
有雖及拾年失於陳乞磨勘却曾到部參選或有新任及見任之人即非不
顯存亡自與磨勘緣降指揮以滿日為始其前伍年本部照理年放行外
餘後伍年無過犯人候陳乞日申取朝廷指揮 本部逐一看詳乞批
送今狀下部貴憑遵守 瑞平二年十二月十四日送吏部從看詳到事理
施行 嘉熙三年八月十四日 勅吏部尚書左選條具內壹項在法承
議郎轉朝奉郎朝請郎轉朝奉大夫朝議大夫轉中散大夫依條不許貼
用父祖親屬減年恩例近有承議郎陳乞磨勘收使父祖恩例揆轉朝奉
郎考功放行具鈔出給告命委是有礙條法修纂條例所看詳諸得親屬
減年恩例不許揆轉蔭補官自有成法今後不得冒有陳乞所有考功已
行體例合刪去奉 聖旨依看詳到事理施行本所看詳上件指揮雖是
尚左條具所有武臣亦合一體今聲說照用 淳祐三年六月空日都省
劄子吏部四選官公共聚議條具關防四蜀革弊事畫一數內文武官陳
乞磨勘文字文臣承議郎轉朝奉郎朝請郎轉朝奉大夫武臣訓武郎轉
武翼郎武德郎武功郎轉武翼大夫並係轉應蔭補官事體至重今欲除
本州保明並合再經四川運司重行覈實結罪保明仍各召知識四川本

等保官宜員。委保批書。以憑照見行條法指揮施行。四川文武官流寓內地州軍寄居。陳乞磨勘文字。及轉應蔭補官之人。既在內地。難以再令歸川陳乞。欲將似此之人。並令召蜀士。知識本等保官宜員。委保批書印紙。以憑照見行條法指揮施行。右劄付吏部。從所申事理施行。

大使臣。

尚書右選令。諸武功武德郎充閣門宣替舍人。應磨勘者取裁。諸閣門宣贊舍人。轉武翼郎仍舊職。如不願在職。及已至右武郎日罷。謂供職人。諸內侍官武功大夫。至武翼郎。帶御器械。應磨勘轉官者。申樞密院。諸陳乞收使。未換授以前所得轉資者。每壹資減貳年半磨勘。尚書考功令。諸閣門宣贊舍人磨勘。並依武翼郎至武功大夫法。諸

駙馬都尉轉官。及柒年檢舉磨勘。至承宣使止。諸右武郎以上。轉官滿伍年者。遇闕磨勘。謂軍功及勲績顯著。人大夫以上。檢舉。諸翰林醫官。

至和安大夫磨勘。依武翼郎至武功大夫法。未轉翰林醫官以前。功過更不通理。諸大使臣修武郎至武德大夫。及訓武郎修武郎帶閣門祇候

轉官及伍年者。與磨勘。諸大使臣初該磨勘者。自參部後伍年內。任程到任實及貳年。方許磨勘。仍在任有知州。本路安撫。轉運。提點。刑獄。及侍

御史以上。或省府按察提舉官壹員。同罪奏舉方得施行。若無舉官。並候
柒年。諸大使臣初談磨勘住程任內因事對移。謂有實狀者。及衝差替
放罷者。並不理犯時壹考。諸從義郎以下。帶閭門舍人。閭門祇候磨勘
並理肆年。諸小使臣因恩賞勞績戰功轉至修武郎以上者。其磨勘依
大使臣法。

尚書右選申明。隆興元年四月二十四日。勅勘會諸軍立功將士轉

官礙止法人。緣經戰與雜功輕重不同。若今一例回授。無以激勸。今措置
下項。一應因經戰被賞轉官。並合將所轉官重輕轉行。有收使不盡官

候別立到新功日收使。如願回授者聽。一武功大夫參官轉行橫行壹
官。舊用兩官轉伍官轉行。遙郡壹官。舊係參官轉已。是防禦使。即臨時取

旨。右武大夫并見帶。遙郡兩官轉行橫行壹官。參官轉行。遙郡壹官。已
是防禦使。即臨時取旨。一應該暴露。普將隨軍幹事把隘。不經戰。所得轉

官並合回授。一應經戰落階官。武功大夫右武大夫以上。見帶。遙郡人
合量功力重輕除授。謂如。遙郡承宣使若落階官。却合自正任。刺史以上

除授。緣除正任係特恩旌賞。臨時取旨。不可為例。一陳乞收使回授
轉官人。自合繳連回授公據毀抹。一逐項功賞。已經轉行人。自合依元

降指揮謂如壹賞元得指揮兩官以上經轉行餘官自合回授將來即不合陳乞轉官。今措置係紹興三十一年已後立功之人奉 聖旨依

淳祐元年五月空日樞密院劄子照得轉橫行轉遙郡皆是特恩旌賞。

祖宗具有條格近來吏部將武功大夫礙止法之官元於小大使臣正副

使之上所得功賞衆同於橫行遙郡超轉致有泛濫。右五月二十三日奉

聖旨令吏部今後將正使止所得戰功恩賞許照端平元年三月十九

日指揮叁官轉橫行壹官伍官轉遙郡壹官其副使以下所得功賞並令

回授如已轉橫行遙郡止合將橫行遙郡上所得戰功恩賞照端平三年

三月十九日指揮將兩官轉橫行壹官叁官轉遙郡壹官若橫行未至中

亮大夫上有官可轉且合於橫行上轉行其正使上所得之官並令回授

已是防禦使照舊法臨時取 旨內遙郡落階官之人須管遵從舊法再

自正任刺史上除授其非戰功所得轉官者止令回授今劄付吏部

尚書考功申明 淳熙十三年七月二十六日 勅吏部狀武節郎張球

乞磨勘本部勘會本人係再經磨勘依條合理伍年會到大理寺有壹犯

準條於絞刑公罪收贖上定斷情重特降壹官在大禮赦前合該免展不

礙磨勘其公罪絞緣展格項目內止有公罪流輕重各有添展磨勘年月

即無公罪絞添展年月之文奉 聖旨展壹年壹季磨勘 慶元五年十一月八日 勅吏部狀武翼郎王瑞磨勘本部勘會本人係再經磨勘從條合理伍年會到大理寺有壹犯特降兩官約係私罪絞除降官依格合展磨勘已該大禮赦合免展外緣私罪絞展格內止有私罪流重展年磨勘即不該載私罪絞展年磨勘明文奉 聖旨添展壹年兩季磨勘仍自今降指揮日為始本所看詳前項逐件指揮並為公私罪絞緣格所不載添展磨勘事理今存留申明照用
尚書右選考功通用申明 端平二年十二月十四日都省批下吏部申檢會端平元年三月四日都省批下本部申承紹定六年十月十四日勅臣僚奏乞將文武官陳乞磨勘者更不以告下日為始只以前實歷滿日為始許接續日分理為日後再起磨勘仍於告上分明批注謂如元官實歷至某月日滿即於次日理作新聘官日分供寫告內奉聖旨依仍令吏部看詳申尚書省本部緣有因罪未結絕及降官未叙復并所約刑名合候任程到任及展季展年并合要任程到任及應用舉狀之人又有拾年以上自不到部陳乞磨勘者亦有校尉理年已及於使臣理年又及凡此之類今檢具看詳下項 一諸大使臣初該磨勘者自參部後伍年

內任程到任實及貳年方許磨勘。仍在任有知州本路安撫轉運提點刑
獄及侍御史以上。或省府按察官壹員同罪奏舉。方得施行。若無舉主。並
候柒年。看詳上條。謂如初該磨勘。有知州本路安撫運使提刑侍御以上
舉主壹員同罪奏舉許磨勘。却有年限雖滿。任程未及。或舉主未到。須候
任程舉主及格方許磨勘。今降指揮以滿日為始。所有該滿之後。任程未
及。或舉主未到之前月日。實歷雖滿。而任程未及。合候任程滿日理轉。

一諸大使臣初該磨勘。任內因事對移。謂有實狀者及衝替放罷之
類。並不理犯時壹考。看詳上條。謂初該磨勘。任程貳考。任內因事對移。及
衝替放罷之類。年限雖滿。任程已有貳考。緣任程任內有過犯之類。從
條法除豁犯時壹考。即係任程未及。合候次任任程到任壹年。方得磨勘。
緣因罪犯未有差違。或已有差違。待闕未赴。後雖到任。通理任程已有貳
考。緣今降指揮以滿日為始。所歷該滿年限之後。因罪犯未有差違。或待
闕未赴之前月日。難以理用接續。日分起理磨勘。初任任程有違闕。即合
候次任任程補滿。本部逐一。看詳。乞批送。今狀下部。貴憑遵守。端平二
年十二月十四日。送吏部。從看詳到事。理施行。嘉定十六年八月九日。
尚書省劄子。尚書右選措置。自今後應四川轉官。修武訓武郎轉武翼郎。

武德武功郎轉武翼大夫。須要本州取會勘驗委係正身結罪保明如從軍之人委主帥勘驗結罪保明。申總領所保明委係正身即非身亡事故之人。方與證應施行。候出給告命。仰官告院繳申本部。責付運司進奏院入急遞發下總領所。仰逐司再契勘本官該轉官。及彼受日。委的無身亡事故。即與給付。仍具已給付保明申部。或已亡歿。即繳告申部毀抹。如逐司扶合不實。具元保明州軍并保官。同逐司官吏職位姓名。申取朝廷指揮施行。右劉付吏部。從所申事理施行。嘉定十六年十二月二十一日。勅吏部勅令所詳議內侍官。都知。副都知。押班。許轉至選郎承宣使止。帶御器械。許轉至選郎觀察使止。幹辦御樂院。幹辦內東門司。許轉至選郎防禦使止。非任門司以上。不得轉選郎。其有職任未至而欲超越。今來所立止法轉官之人。雖降特旨。許執奏不行外。有幹辦龍圖天章等閣。許寄資至左武大夫止。睿思殿祇候。額外祇候。及掌管簿書。額外簿書。如遇特降指揮轉官者。許寄資至武功大夫止。聽喚。額外聽喚。會通門後苑祇候。及散祇候。轉至武功郎止。奉 聖旨。依吏部勅令所詳議事理施行。

嘉定三年五月六日。勅承嘉定二年十二月空日。都省劄子。內堂項軍班應修武郎以上。如遇陳乞磨勘轉官。並仰聲說。已未申繳宗枝。如內有

該說曾申繳宗枝赴部注籍之人。仰考功先次批會。本部見得已行注籍訖。方許移關本部擬官具鈔。或有未嘗申繳宗枝注籍之人。許於所屬州軍照指揮。陳乞執行申繳赴部注籍。方與放行具鈔轉官。五月六日奉聖旨令吏部依條具事理。通牒施行。常切遵守。

小使臣

尚書考功令。諸小使臣初補參部。後承信郎。參年。承節郎以上肆年。曾經任程幹辦到任。若不因事故移任。通理各及貳年。與磨勘。已後並理伍年。諸初補參選人。謂承信郎以上校尉同。年限應格。曾經任程及貳年。許磨勘。即未及貳年。許通理。若因事對移。謂有實狀者。及衝差替放罷之類。並不理犯時壹考。別候任程通及貳年。方許磨勘。諸初補使臣充隨行指使。奏帶親隨者。非三路。依初補法磨勘。餘路并臣僚隨行指使。以去替壹年。通理補職。若參部滿理任年限。即與磨勘。謂如承信郎肆年。理為壹任者。到任及叁年。通理補職。若參部及肆年之類。承節郎以上。加壹年。諸見任前任宰執。下隨行祇應。主管幹辦等使臣。初經磨勘。依指使例。諸小使臣之官。遠限應該磨勘者。添展兩季。仍不候降等。任程到任許磨勘。諸軍功補授小使臣。校尉。磨勘付身內有雜功補轉者。會問兵部

如無大轉資級。方許改行。已經參選磨勘者。非諸校尉磨勘年限應格。而應展年者。唯免降等住程外。餘並依使臣法。諸進武校尉以下。特旨補轉承信郎以上。並依初補使臣法磨勘。如以前有減年者。即依條比折行使。諸進武校尉以下。特旨補轉承信郎以上。若年限已滿。合改轉者。聽磨勘。以後即依初補年限。磨勘改轉同。其年限未滿者。從本條。諸校尉因軍功捕盜。改轉承信郎以上。其磨勘不隔以前年月。諸校尉在任。因恩賞。謂非軍功捕盜者。補轉承信郎以上。自授告日理為參選。住程依初補年限磨勘。未到任。因恩賞補轉者。準此。諸進武校尉。自參部後。及伍年內。係都知兵馬使初補者。及參年。並與磨勘。別因勞動補者。亦同。諸進義校尉。係軍功補充者。自參部後。及參年。餘伍年。並與磨勘。轉進武校尉。其官院祇應進義校尉。自依本條。諸親王府祇應書表司。宅案司。通引官。客司。係進義校尉候。及伍年無過犯。與進武校尉。其郡王位。依官院條。諸官院祇應進武進義校尉。應因過犯。差替到部。各與重難短使。壹次。仍不理在官院年月磨勘。因病患。差遣者。如百日。公參却。差赴官院。祇應不以本位。及別位。並通理。前來月日磨勘。若非次替下。並依名次。闕。大宗正司。候官院有闕。差填。祇應與補所少月日。諸官院祇應進義校

尉下到磨勘如年限不同聽隨見今祇應官比折 諸小使臣校尉磨勘
許通理在官院祇應合該年月 諸宮院進義校尉到部後兩犯公罪或
壹犯私罪展壹年磨勘叁犯公罪或兩犯私罪展貳年 諸宮院下班祇
應酬獎初補進義校尉者承宣使以上貳年觀察使以下叁年並補進武
校尉以上壹犯私罪笞杖情輕展貳年稍輕展叁年稍重展肆年重展伍
年累犯從壹重論外每次各展壹年其兩犯贓罪或私罪杖情理稍重
重者準此並從大宗正司申奏差替餘並依舊在官院祇應 諸國信所
差取到殿前司下班祇應充指揮準備祇應同到所及拾年與改轉進義
校尉 諸下班祇應充諸處及臣僚隨行指使在職及柒年押隊及拾年
各無過犯與磨勘其互差者壹年伍箇月零比折指使壹年如比折通及
柒年依指使法 諸勳戚臣僚宅指使初該磨勘未經任程人於磨勘年
限外更展貳年許磨勘三后之家不用此令 諸非泛補授使臣校尉自
補授日起理磨勘以伍日當叁日若折當及格仍須曾經任程幹辦到任
貳年通理各及貳年者同許磨勘 諸進納出身人磨勘至從義即止
諸進納人監當滿柒年無遺闕有監司知州通判通及叁員同罪奏舉陞
陟者與親民其磨勘自參部後承信郎肆年承節郎以上伍年各經任程

幹辦叁年以上有上項官貳員保舉許磨勤以後即依其餘使臣條例
侍郎右選令 諸陳乞收使諸軍都虞候未換授以前所得轉資者每壹
資減叁年磨勤 諸陳乞收使班直未換授以前所得轉資者每壹資減
貳年半磨勤

侍郎右選考功通用令 諸承信郎以上不許貼用給使減年轉官景定
重定。

淳祐令 諸殿侍下班祇應同下文準此應磨勤者通理歷任在職月日
實及年限即因恩賞非次轉校尉者聽以任殿侍在職月日通理比折磨
勤謂如殿侍拾年磨勤進義校尉伍年磨勤者若任殿侍在職及陸年非
次轉進義校尉即將殿侍在職陸年比折叁年磨勤之類進義校尉轉進

武準此

大宗正司令 諸宗室應破祇應校尉代祇應同許從便就撥其換外官
若犯罪及身亡百日外並減秩如本官院有闕聽就射無闕聽別官院指
射又無官院指射若差到實及伍年即本司以闕人處直差祇應以上並
聽通理年月磨勤如不就占射願歸班者聽
尚書考功申明 紹興二十六年十二月十一日都省批送下吏部奏鈔

承信郎王昉磨勘事後批王昉壹任因農司寺踏逐充準備使喚照得條
初任人依條不許踏逐其吏部元給差帖付身了當今來陳乞磨勘既初
任依條不許踏逐係不應磨勘之人退送吏部照會本所看詳上件指揮
雖止為王昉所降竊慮尚有似此不應磨勘之人合存留申明照用 紹

興九年七月九日都省送下吏部狀據忠翊郎盧進乞磨勘納到公據為
收捕武岡軍伍賊楊再興等得減貳年磨勘乞收使本部將自靖康年以
後因戰金人所得減年理作戰鬪勞効收使其招捉殺降群賊未審合與
不合作戰鬪勞効所得不候再經磨勘收使更合取自朝廷指揮後批勘
會盧進減年既不係因金人所得即難以便於初磨勘收使送吏部照會
本所看詳上件指揮係是申明法意竊恐日後有似此收使之人合編節
存留申明照用 淳熙十一年十月六日 初吏部狀保義郎監潭州南
嶽廟趙彥越乞磨勘係再經磨勘合理伍年緣今任請假赴轉運司鎖廳
計參拾日從鎖廳條法合行除豁不理磨勘本部照得係再經磨勘止用
常程年限即非用住程月日難以一槩除豁今指定欲將再經磨勘不用
住程之人與理作常程年限收使磨勘奉 聖旨依指定到事理施行
淳熙十二年七月十九日 初吏部狀承信郎前添差監夔州在城清酒

務趙彥迨乞磨勘本部勘會從條合理叁年自就差給降付身日理當參部年限住程應格方許磨勘照得本人第貳考印紙內請假一項批稱赴夔州路轉運司鎖試即不批赴試還任月日取到進奏院狀稱運司在本州置司鎖試叁日從條鎖應月日不理磨勘緣所任係添差不釐務別無職事今指定本人所用住程即非任監當巡檢等差遣當來赴試即不出州界欲理為在任月日放行磨勘奉 聖旨依指定到事理施行 淳熙十五年八月十八日 勅吏部狀承信郎殿前司左軍隊將楊文顯乞磨勘係初經磨勘合理叁年內要住程貳年自改轉承信郎日理作就差至今雖及貳年繳到任下班祇應日該遇 慶壽赦恩理當叁年磨勘乞揆理收使緣下班祇應係理拾年本部從來有下班祇應上所得減年以貳日比折壹日收使今係繳到理當叁年磨勘欲照任下班祇應上所得於使臣上收使兩日比折作壹日今後乞依此施行奉 聖旨依 紹熙二年五月十四日 勅吏兵刑部狀考功郎官陳士楚劄子措置使臣上收使減年并理當公據比折事後批送吏兵刑部勘當申尚書省今具下項守闕進勇副尉進勇副尉陝西効用捌資格歸正拾資格川陝効用拾資格兵部稱並無許行磨勘理年條法指揮守闕進勇副尉進勇副尉所得

減年公據考功今勘當欲將上件資級上所得減年公據從本部自未體
例謂如減壹年磨勘有依伍年法比折之文從都官令比折作肆箇月貳
拾肆日於校尉使臣上收使如無依伍年法比折之文作兩箇月拾貳日
收使施行進義副尉陝西初用捌資格補充理伍年轉壹資進義副尉歸
正拾資格補充理伍年轉守闕進武副尉進義副尉川陝初用捌資格補
充理伍年轉下班祇應兵部稱並理伍年磨勘考功今勘當欲將上件資
級上所得減年公據若於校尉使臣理伍年磨勘上收使合壹日作壹日
於理肆年磨勘上收使合伍日作肆日於理叁年磨勘上收使合伍日作
叁日如有依肆年法比折之文於理伍年磨勘上收使合肆日作伍日於
理肆年磨勘上收使合壹日作壹日於理叁年磨勘上收使合肆日作叁
日施行進義副尉都官吏職補充兵部陣亡恩澤補充進武副尉都官吏
職補充兵部陣亡恩澤補充兵部都官稱並理拾年磨勘考功今勘當上
件資級上所得減年公據若於校尉使臣理伍年磨勘上收使合拾日作
伍日於理肆年磨勘上收使合拾日作肆日於理叁年磨勘上收使合拾
日作叁日若元有依肆年法比折之文於理伍年磨勘上收使合肆日作
伍日於理肆年磨勘上收使合壹日作壹日於理叁年磨勘上收使合肆

日作叁日。如有依伍年法比折之文。於理伍年磨勘上收使合壹日作壹日。於理肆年磨勘上收使合伍日作肆日。於理叁年磨勘上收使合伍日作叁日。施行進義校尉軍功補充者。進武校尉都知兵馬使補充者。承信郎並係理叁年磨勘。所得理當減年公據。於理肆年伍年磨勘上收使。自來壹日作壹日。如有依肆年法比折之文。即比折每壹年得壹年叁箇月。收使考功。今勘當欲從本部自來體例施行。進義校尉不係軍功補充。進武校尉不係都知兵馬使補充。並係理伍年磨勘考功。今勘當欲將理伍年上所得減年公據。於理叁年磨勘上收使。合伍日作叁日。於理肆年磨勘上收使。合伍日作肆日。於理伍年磨勘上收使。合壹日作壹日。如有依肆年法比折之文。於理叁年磨勘上收使。合肆日作叁日。於理肆年磨勘上收使。合壹日作壹日。於理伍年磨勘上收使。合肆日作伍日。施行所有進納出身校尉使臣。并招安補授出身。各有理年條法。如收使理當不等公據。並照有無比折之文。即與照元理年限。於今來磨勘官資上理年比折。收使逐部今聚議欲從勘當到項目比折事。理施行伏候指揮奉。聖旨依本所看詳前項逐件指揮。並為承信郎校尉收使以前所得理當減年公據。照磨勘年限比折事。今合存留照用。

侍郎右選考功通用申明。嘉定九年二月二十四日。尚書省劄子。刑部申。照對考功侍郎等處遇有用入流補授。并收使散減年之人。陳乞磨勘參注。及有曾經追降官資。經刑部陳乞叙官之人。關會有無重疊。本部措置。自今後遇有元用府第入流減年補轉之人。到吏部參注磨勘。從吏部令召大使臣以上保官貳員。委保無偽。冒重疊放行。有用見任府第入流并散減年之人。自合先次放行磨勘參注。并有陳乞叙官之人。自今後先經刑部契勘。見得依條合該叙復人。更召大使臣以上貳員。委保元補轉無偽。冒重疊。放行叙官。右劄付刑部。從所申事。理施行。嘉定十六年二月二十五日。勅奉。聖旨。諸府第除拜合得散減年。今後不許於承信郎以上。作磨勘收使。嘉定十六年四月十三日。勅。勘會府第給使減年。專為校尉。尉史職補授人。收使陞轉。其有出身并奏補。及其他非泛補官等人。欠少磨勘月日。循例倒換收使。竊慮泛濫奉。聖旨。令吏部自今後。吏職人。許行揆理磨勘收使。餘人不許理用。端平二年十二月十四日。都省批下吏部申。檢會端平元年三月四日。都省批下本部申。承紹定六年十月十四日。勅。臣僚奏乞將文武官陳乞磨勘者。更不以告下。日為始。只以前實歷滿日為始。許接續日分理。為日後再起磨勘。仍於告上。

分明批注。謂如元官實歷至某月日滿。即於次日理作新轉官日分供寫
告內。奉聖旨依。仍令吏部看詳申尚書省。本部緣有因罪未結絕。及降官
未叙復。并所約刑名。合候任期到任。及展季展年。并合要任期到任。及應
受舉主之人。又有拾年以上。自不到部陳乞磨勘者。亦有校尉理年已及
於使。臣理年又及。凡此之類。今檢具看詳下項。一諸小使。臣初補參部
後。承信郎參年。承節郎以上肆年。曾經任期幹辦到任。若不因事故移任
通理各及貳年。與磨勘。已後並理伍年。看詳上條。謂如初該磨勘。自參部
日起理。年內曾經任期幹辦到任。若不因事故移任。通理各及貳年。與
磨勘。其間有年限雖滿。於任期未及。須候任期及日。方許磨勘。緣今降指
揮以滿日為始。至任期未及以前月日。即不應收使。一諸進納人。監當
滿柒年。無遺闕。有監司知州通判。及參員同罪。奏舉陞陟者。與親民其磨
勘。自參部後。承信郎肆年。承節郎以上伍年。各經任期幹辦參年以上。有
上項官貳員。保舉許磨勘。却有年限雖滿。任期已及其舉主未足。須候舉
主足日。方得磨勘。緣今降指揮以滿日為始。所有該滿之後。至舉主未足
以前月日。亦不應收使。一諸進武校尉以下。特旨補轉承信郎以上。並
依初補使。臣法磨勘。如以前有減年者。即依條比折行使。看詳上條。謂進

武校尉以下。特旨補轉承信郎以上。並依初補使臣法磨勘。謂如進武校尉理伍年。承信郎理叁年。却有自進武校尉至今通及捌年者。其校尉已滿伍年。應該磨勘。自餘承信郎又滿叁年。亦合該磨勘。今以補轉承信郎理叁年磨勘外。其校尉以前月日。即不應理用。一諸進武校尉以下。特旨補轉承信郎以上。若年限已滿。合改轉者。聽磨勘以後。即依初補年限。唐勅改轉同。其年限未滿者。從本條看詳上條。謂進武校尉以下。特旨補轉承信郎以上。若年限已滿。合改轉者。聽磨勘。謂如進武校尉理伍年。承信郎理叁年。却有自進武校尉伍年已滿。其承信郎止有貳年以上者。依條校尉年限已滿。合改轉者。聽磨勘。緣今降指揮。以滿日為始。進武校尉滿伍年。而特轉承信郎者。自該理用已歷過伍年。轉承節郎。其不及伍年。而特轉承信郎者。須候承信郎後。歷叁年滿日。轉承節郎。其校尉上月日。自不合理用。其改轉承信郎以後。至未陳乞理用。校尉磨勘以前月日。並不合收使。本部逐一看詳。乞批送。今狀下部。貴憑。遵守。端平二年十二月十四日。送吏部。從看詳到事。理施行。淳祐三年十二月。空日。都省。劉子。吏部侍郎。項。寅。孫。劉子。勤。會。小。使。臣。初。補。承。信。郎。上。參。部。有。新。任。後。因。息。賞。轉。承。節。郎。依。條。不。隔。磨。勘。陳。乞。轉。保。義。郎。止。理。承。信。郎。叁。年。之。限。又。有。

初補承信郎次因恩賞轉承節郎之後方參部之人陳乞磨勘轉保義郎則理承節郎肆年之限又有承信郎上曾經磨勘轉承節郎次於承節郎上陳乞轉保義郎係再該磨勘則理伍年之限則是磨勘轉保義郎查官蓋有叁項理年之例得以出入今申請除再該磨勘理伍年外其餘承信郎上雖曾參部及有新任因恩賞轉承節郎理叁年磨勘之人欲並照目今官序理承節郎以上肆年磨勘轉保義郎庶得保義壹官初該磨勘者並理肆年之限其於舊法亦無衝改奉 聖旨依令吏部常切遵守

永樂大典卷之一萬四千六百二十九

永樂大典上聲六書韻部字門宋吏部條法二
卷曰閩陞門曰磨勘門共一冊乃辛亥國變由
北京流入海東為吾友富田君梅賾得者考宋
史藝文志三刑法類載馮煦吏部條法總類四
十卷嘉定編脩吏部條法總類五十卷當即是
書然此二殘卷中已有寶慶馮祐景定年號則
非馮煦嘉定二書乃景定以後續修者玉海亦
載馮煦吏部條法總類云嘉泰二年詔重脩同
禧元年書成是馮煦本開禧間已重脩增補藝
文志失記而嘉定重脩以後至景定再修則玉

海亦未言及華大典徵引今尚得窺見一斑耳
惟據大典目錄自卷一萬四千六百十四至一
萬四千六百四十六凡卅三卷皆記吏部事不
知此書得全載至大典今日星散恨未由知之
矣此書為久佚之祕籍亟請諸君為影印以傳
之君為慨然許諾此書得傳君為與有功焉爰
附記之丁巳仲冬上游上虞羅振玉書于海東
寓居之夢都竹堂